

# Ireo Tanjona Enin'Ny

## Famangian'I Gabriela An'I Daniela

 Fa tena gaga tamin'ny...ireo adolantsento kelintsika aninkeo maraina, ilay kely, fantatrareo, "fefe" sy "fifi" kely, ilay kely, ny...fantatrareo, ireo enina ambin'ny folo taona. Ary tonga ao am-pianganana izy ireo, fantatrareo, eo amin'ny... Ireo tovovavy kely, eo amin'izany taona izany, te-ho tsara tarehy izy ireo, fantatrareo. Ireo, fantatrareo, ny volo rehetra dia miolankolana miakatra, eo amin'ny tampon'ny lohan'izy ireo; nahamarika azy ireo aho, raha teo am-pitoriana teny, nitohy nilatsaka fotsiny, nilatsaka. Ary, afaka kelikely, dia notsofin'izy ireo hiala amin'ny tavany izany, ireo miolankolana rehetra dia nahitsy.

<sup>2</sup> Ny zanakavavy kelin'i Ranabavy Downing, ary—ary nahamarika azy aho. Ary kely—kely—kely...kelein'i Rahalahy Collins...Iza no anarany? Kely...[Hoy ny olona iray hoe, "Betty."—Ed.] Betty, Betty kely. Somary nihomehy kely aho, samirery. Fa nahita ny rehetra tsara tarehy aho, fantatrareo, voalamina ny rehetra, ary avy hatrany ilay izy dia...

<sup>3</sup> Eny, hotahiana ny fonareo, ry malala, tsara tarehy ianareo, ho ahy, na ahoana na ahoana. Marina izany. *Tsara tarehy*, dia—dia fanahy iray tsara tarehy izay ho tonga ka hipetraka ao anatin'ny favoriana tahaka an'izany, ary hihaino ny Filazantsara. Izany no manao ny tovovavy iray ho tsara tarehy. Ary mieritreritra aho fa ny tena tovolahy iray, izay mendrika hanambady, dia mieritreritra an'ilay zavatra iray ihany. [Hoy Rahalahy Neville hoe, "Amena."—Mpand.] Misaotra anao, tompoko. Tsara izany. Olona iray mifanaraka amiko. Izany, marina izany. Eny àry. Mino aho fa izany no Fahamarinana.

<sup>4</sup> Ankehitriny tsy hafahafa ve izany? Nivadika avy hatrany tao amin'i Daniela 9 mihitsy aho rehefa nanokatra ny Baiboliko. Ankehitriny, mazàna aho dia miteny amin'ny olona, tsy hanala ny akanjo amboninny, izay misy lavaka ao amin'ny lobak'izy ireo, koa manantena aho fa tsy misy ny ahy. Fa—fa efa nahita fotoana izay tsy nahafahako nanala an'izany aho, niaraka tamin'ny lobaka nisy lavaka, azo antoka tokoa. Ary heveriko fa tsy misy ity anankiray ity.

<sup>5</sup> Ankehitriny, oh, ho an'ny tenako, isika...ary mino aho ho an'ny mpanatrika, fa mankasitraka ny Fanatrehan'ny Fanahy Masina isika aninkeo maraina.

Ary mankasitraka ny fiombonana sy ny fanatrehan'ny tsirairay isika. "Mamy toy ny ahoana, tsara toy ny ahoana,

mahafaly toy ny ahoana, ho an'ny rahalahy ny monina miaraka ao anatin'ny firaisansa. Izany dia tahaka an'ilay diloilo fanosorana sarobidy izay midina amin'ny volombavan'i Arona, hatrany amin'ny moron-tongotry ny akanjony."

<sup>6</sup> Nandeha aho androany mba hihinana, tany amin'ny Blue Boar, ary iza no hitako tany raha tsy Rahalahy Bill eto, sy Ranabavy Dauch mipetraka eo, izao fotsiny—nihinana sasantsasany tamin'ny akoho voaendy, tsara tarehy indrindra mihitsy izay hany hitako aho, ary nanana fotoana iray nahafinaritra fotsiny, tsemboka mihitsy tamin'izany, fantatrareo. Niakatra tany ambony rihana aho ka nihaona tamin'ny ampanahany fiangonana goavana iray tany, ary tian'izy ireo mihitsy aza ny handoa ny sakafo harivako. Ankehitriny, tena tsara tokoa izany, mankasitraka an'izany aho.

<sup>7</sup> Rehefa tonga tany an-trano aho, dia indro tonga i Billy niaraka tamin'ny boatim-boatabia iray izay nentin'olona ho ahy, tany amin'ilay fanjakana tsara tarehy, mangatsiatsiakan'i Georgia tany, izay tena mangatsiatsiaka any, izy ireo no niteny tamiko, saiky amin'izao fotoana izao.

<sup>8</sup> Avy eo, dia nihaona tamin'ny namana kely iray aho tany ivelany. Nivoaka avy tao amin'ny fifampiresahako aho, tamin'ity tolakandro ity, ary nandalo teto amin'ny fiangonana teo amin'ny adiny iray sy sasany lasa teo izay, ary ny kely... namana tanora anankiray, tany ivelany, hoy izy hoe... Hoy aho hoe, "Mafana ny andro."

Hoy izy hoe, "*Tena mafana!*" Fantatro fa avy any Georgia izy, noho izany dia hoy izy hoe, "*Azo antoka fa mafana any Georgia!*"

<sup>9</sup> Eny, isika dia miezaka handositra toerana iray mafana kokoa, sa tsy izany? [Hoy ny fiangonana hoe, "*Amena.*" —Mpand.] Izany no maha-eto antsika.

<sup>10</sup> Misaotra anareo betsaka, ry sakaiza, nohon'ny fahatsaram-panahinareo. Inona no ho nataoko raha tsy misy anareo? Inona fotsiny—inona no ho nataoko raha tsy misy anareo? Raha tsy nisy olona nitia ahy, tsy nisy olona nihaino ny Hafatra, dia tsy ho nahasoa mihitsy ny Hafatra rehetra. Tsy afaka mitory teny amin'ny andrin-telefona sy hazo aho. Tsy hahazo an'izany izy ireo. Noho izany dia tokony ho olona tahaka anareo rehetra ilay izy, izay ho avy ka hihaino an'izany. Ary rehefa tonga ianareo ka mipetraka ao amin'ny toerana mafana tahaka an'izao, ary izany dia... Hoy ny vadiko hoe toy ny any amin'ny fandoroana iray izy aoriana iry, izao maraina izao. Ary ny mahita ny olona, sy olona marary indraindray, izay mipetraka ao amin'ireo fivoriana tahaka an'izao, Andriamanitra anie hanome anareo fo—fonenana tsara tarehy iray, maha-te ho tia any amin'ny Voninahitra, izany no fivavako. Ary manantena sy mahatoky fotsiny aho fa Hataony izany.

<sup>11</sup> Ankehitriny, ndao isika hijery. Ny palitaoko, nisy olona iray nametraka azy eto. Ary manana famakiana kely iray hatao aho izao hariva izao. Firy no mankasitraka an'ireo ampahany voalohany an'ity? [Hoy ny fiangonana hoe, "Amena."—Mpand.] Oh, raha tsy tena nahamay fotsiny mantsy, dia ho nanohy hatrany mihitsy isika, mandritry ny herinandro, eo amin'ny—ny Bokin'ny Apokalypsy. Tiako fotsiny Izany. Miaina amin'Izany fotsiny aho. Ary mivavaha, eo amin'izany, ho ahy, amin'ity herinandro ity, satria amin'ny Alahady heriny aho... Raha sitrapon'ny Tompo, dia tsy maintsy tonga eo amin'izany aho, mamestraka an'ireo herinandro ireo miaraka. Ary izany dia zavatra anankiray izay tsy misy na inona na inona fantatroy mikasika azy. Ary noho izany dia hatoky ny Tompo fotsiny aho mba Hanomezany ahy ny valiny.

<sup>12</sup> Ary izaho—efa namaky lehilahy samihafa maro aho izay—izay niresaka an'izany, izay nanoratra an'izany. Efa namaky an'ilay fanamarihana aho teto, teo amin'ny Dr. Scofield, mahay malaza anankiray, saingy tsy afaka nifanaraka taminy tokoa, teo amin'ny maro amin'ireo fanamarihany, satria tsy afaka mahita an'izany aho. Aiza...Izany dia tokony—tokony hanao an'ilay sary marina izany.

<sup>13</sup> Ankehitriny, raha nanakambana potipotim-piozila iray ianareo ohatra, ary ny zavatra voalohany fantatrateo, hoy ianareo hoe, "Oh, ity dia eto ambony eto. Tsia, azoko antoka fa ity dia eto ambony eto." Eny, tsy maintsy mijery ny modelinareo ianareo, mba hahita an'izay hataonareo. Ary amin'izay fotoana izay ianareo raha—raha tsy mijery ianareo, dia hahita ny tabilaonareo hifangaro tanteraka.

<sup>14</sup> Ahoana moa ankehitriny raha ianareo dia naka...nanana sarin'ambanivohitra iray lehibe, tsara tarehy, sy ombivavy anankiray miraoka ahitra eny an-tampon'ny hazo anankiray? Ankehitriny, tsy ho nety izany (sa tsy izany?), satria tsy hiraoka ahitra eny an-tampon'ny hazo anankiray izy. Noho izany, dia toy izany ilay izy raha, ianareo, raha tsy ny Fanahy Masina no mamestraka an'io Soratra io miaraka. Amin'izay fotoana izay, vao mahazo an'ilay sary manontolo, lehibe an'ny fanavotana ianareo. Izany no tantsika, ny Fahamarinana. Ary mandrapahafantarantsika ny Fahamarinana, dia avelantsika hipetraka tsara fotsiny ilay izy. Ary avy eo, rehefa manome antsika ny Fahamarinana Andriamanitra, eny, amin'izay fotoana izay aho vao hiresaka an'izany.

<sup>15</sup> Mba fantatrateo moa? Heveriko fa i Rahalahy Roy Slaughter sy—sy ny sasany amin'ireo an'ny andro fahiny eto, izay nanomboka tany taloha ela be... Izany dia nandritry ny teo amin'ny, heveriko, ireo telo na efa-taona voalohan'ny asampanompoako, teto amin'ny tabernakla teto mihitsy, tsy te-hitory teo amin'ny lohahevity ny helo akory aza aho, satria izaho—tsy afaka nahita aho na toerana iray mandoro izany, na fasana

iray. Ary isaky ny miresaka ny Teny hoe, *fasana*, dia nalaiko ny fandikana, hoe, “*Hadesy*.” *Hadesy* dia ny “fasana.” Isaky ny miresaka ny helo Izy, “*Hadesy*, ny fasana.” Dia navelako hipetraka tsara fotsiny izany mandra-pahitako marina tokoa an’izay noresahako, tamin’izay fotoana izay aho vao nitory ny amin’ny helo; noho izany rehefa nahita marina tokoa aho, an’ilay sary manontolo, sy nahita an’izay nisy azy. Satria, nahatsapa aho fa ny mpitoriteny iray dia tompon’andraikitra amin’Andriamanitra, an’izay teneniny amin’ilay fiangonana, satria hifikitra tanteraka eo amin’izany izy ireo. Ary noho izany, amin’izay fotoana izay, ahoana moa raha nampifikitra azy ireo teo amin’ny toerana diso aho, ka avy eo tonga ny fotoana izay tsy hahatantesan’io fihazonana io? Hitanareo?

Ary tao anatin’ilay fahitana izay nomen’ny Tompo ahy, fotoana vitsy lasa izay, rehefa ireo an-tapitrисаны . . . rehefa niresaka tamiko io Anankiray io, nanao hoe, “Hotsaraina ianao, aloha, amin’ny alàlan’ny Filazantsara izay torianao.”

<sup>16</sup> Hoy aho hoe, “Mitory an’ilay zavatra iray ihany izay notorian’i Paoly aho, sy ny sisa tamin’izy ireo.”

<sup>17</sup> Ary nihiakiaka ireo feo an-tapitrисаны ireo hoe, “Eo amin’izany no itsaharanay.” Izay ilay izy. Hitanareo? Marina.

<sup>18</sup> Noho izany dia te-hanohy aho izao hariva izao, ankehitriny, mba tsy hijanonantsika ela loatra. Ary aza adino ankehitriny . . . Ankehitriny, aninkeo maraina . . . Manana naoty kely aho eto. Aninkeo maraina dia niresaka ny amin’i Daniela tany amin’ny fababoboana aho, tonga teo aminy Gabriela ary nanoro hevitra azy mikasika ny ho avy. Izany no nananantsika aninkeo maraina, ilay toro-hevitra mikasika ny ho avy.

<sup>19</sup> Ankehitriny, izao hariva izao, dia hiresaka isika eo amin’ny *Ireo Tanjona Enin’Ny Famangian’I Gabriela An’I Daniela*. Amin’ny Alahady heriny, raha sitrapon’ny Tompo, dia hametraka an’ilay fitopolo herinandro, izay misy azy ireo, ao amin’ilay ampaham-potoana. Ary aiza isika no mitsangana? Ankehitriny, raha afaka mahita an’izany fotsiny mantsy isika ka manao azy ho azo antoka, pozitifa, amin’izay fotoana izay dia ho fantatsika mihitsy ny ora izay iainantsika. Ankehitriny, tsy fantatsika hoe rahoviana Izy no ho Avy; tsy misy olona hahafantatra an’izany. Tsy nahafantatra an’izany Jesosy, Izy tenany. Izy no nilaza fa tsy nahafantatra Izy. Nilaza fotsiny Izy fa ny Ray, irery ihany, no nahafantatra an’izany. Na dia ireo Anjely aza tsy mahafantatra an’izany. Tsy misy iray amintsika mahafantatra hoe rahoviana Izy no ho avy, saingy isika dia afaka miteny ny—ny ora izay . . . ny fotoana izay iainantsika, mahafantatra fotsiny hoe akaiky toy ny ahoana isika.

<sup>20</sup> Ankehitriny, ho an’ny fanampiny kely, satria ireo tovolahy dia mandray feo an’ity . . . Mandeha ireo milina ao amin’ny efitra ao. Ary ireo horonam-peo, mazava ho azy, dia halefa, hatraiza hatraiza.

<sup>21</sup> Ankehitriny, ny lesон'ny aninkeo maraina, taorian'ny namintinantsika ny toko faha-4 sy faha-5, avy eo dia noraisintsika ny...nanomboka tamin'ny toko faha-9-n'i Daniela. Ary ankehitriny, izao hariva izao, dia hanohy eo amin'ny toko faha-9 isika. Alohan'ny anatonantsika an'izany, dia ndao isika hanondrika ny lohantsika vetivety ary hiresaka amin'ilay Mpanoratra ny Teny.

<sup>22</sup> Andriamanitra mpiahy anay, azonay antoka fa Fantatrao ny tena fikasan'ny fonay. Fantatrao hoe nahoana izahay no eto. Ary Fantatrao fa tsy tonga eto mihitsy izahay izao hariva izao satria fotsiny hoe nieritreritra izahay fa ho toerana tsara tarehy hahatongavana ilay izy, mba ho fakan'aina kely ho an'ny tolakandro. Ray, tsy mino aho fa misy olona anankiray eto ho an'izany tanjona izany. Mino aho fa eto izahay izao hariva izao satria izahay dia tena tso-po tanteraka, mahitsy fo, ary te-hahafantatra ny HOY NY TOMPO HOE.

<sup>23</sup> Tianay Ianao, Tompo, ary tianay Ny Teninao. Ary raha ity toerana izay Nomaninao ho anay ity, tafo iray fotsiny eo ambonin'ny lohanay, ary ireo vato misy fangaron-tsimenitra, dia mankasitraka Anao izahay ny amin'ilay toerana. Satria, mino izahay fa misy Trano iray any ankoatry ny lanitra, izay handehananay tahaka an'izany. Ary mieritreritra an'ireo razanay izahay izay tsy nanana an'izao tombontsoa izao akory aza, ary izany dia manao anay hanondrika ny fonay ao amin'ny henatra, Tompo, na dia ny hitaraina fotsiny aza.

<sup>24</sup> Ankehitriny, Ray, dia mivavaka izahay mba Hanokafanao ho anay, izao hariva izao, ny Soratra. Avia, mandehana, eo anilan'ny tsirairay avy aminay, raha mandroso amin'ity lèlana ity izahay izao hariva izao. Mitenena aminay tahaka ny Nitenenanao tamin'ireo izay nandeha nankany Emaosy, avy any Jerosalema. Ka, rehefa tapitra ny fotoana, izao hariva izao, dia enga anie izahay handeha any amin'ny tranonay samihafa ka hanao hoe, "Tsy nangorakoraka tao anatintsika ve ny fontsika raha nandre Azy niresaka Ny Teniny isika!"

<sup>25</sup> Tahio ny famakiana. Tahio ireo ezaka keliko, Tompo. Sokafy ho an'izay marina ny vavako, ary akatony ho an'izay diso. Ary raiso ho an'ny Tenanao ny voninahitra, ary ny voninahitra ao amin'ny Vahoakanao, mba ahafahan'izy ireo hahita ny ora izay iainanay sy ny fahakaikezan'ny Fihavian'ny Tompo Jesosy. Fa, mangataka an'izany izahay amin'Ny—Ny Anarany, ny Anaran'i Jesosy Kristy. Amena.

<sup>26</sup> Ankehitriny, mba hamintinana an'ireo Soratsika vetivety, dia hitantsika fa i Daniela dia efa tany amin'ny fahababoana nandritry ny valo amby enimpolo taona lava. Eritrereto izany! Ankehitriny, ianareo, ary ny taratasy sy pensilinareo, izay tsy nahazo an'izany aninkeo maraina, dia afaka mandray an'izany izao hariva izao. Nanomboka tamin'ny A.D. 606 hatramin'ny 538. Anesory 538 ny 606, dia mahazo an'ireo valo amby enimpolo

taona nisy an'i Daniela ianareo tao amin'ny... fahababoana; tsy nisy fiangonana handehanana, tsy nisy toriteny henoina, tsy nisy na inona na inona. Saingy nanana boky sasantsasany izy, horonana sasantsasany, izay naminanian'ny mpaminany iray teo alohany, ary izany dia—dia Jeremia.

<sup>27</sup> Ankehitriny, raha mbola teo am-pianarana an'ireo Soratra, dia hitany fa efa tapitra ilay fotoana, hoe ilay fotoan'ny fitopolo taona... Ary i Daniela dia nino am-panajana ny teny tsirairay izay notenenin'i Jeremia mpaminany. Ary izaho dia milaza amin'ity, amin'ny kilasiko izao hariva izao hoe: Tokony hino an'ireo mpaminanintsika ve isika? [Hoy ny fiangonana hoe, "Amena."—Mpand.] Eny, tompoke. Satria, ny Tenin'ny Tompo dia tonga tamin'ireo mpaminany. Izy ireo no manana ny HOY NY TOMPO HOE. Ary ny mpampinany marina iray dia tsy hiova mihitsy amin'ny—ny tenin'ilay mpaminany hafa. Tsy hanao Azy hilaza zavatra izay tsy Lazainy mihitsy izy ireo. Hilaza marina tokoa an'izay nolazain'ilay mpaminany marina izy ireo. Izany no manao azy ireo ho mpaminany. Noho izany rehefa azon'izy ireo izany, ary avy eo dia miteny mialoha an'izay ho avy izy ireo, eo am-pahafantarana an'io, miaraka amin'ny tahotra ao am-pon'izy ireo, fandrao hilaza zavatra diso izy ireo ka hitarika olona iray ho very. Tsy te-hanao an'izany mihitsy isika. Tiantsika ny hahazo antoka tanteraka tokoa fa manana ny Tenin'ny Tompo isika alohan'ny ilazantsika hoe HOY NY TOMPO HOE. Hitanareo? Izany dia tsy maintsy hafatra fara-teny iray, mivantana avy eo amin'ny Seza fiandrianan'Andriamanitra, raha tsy izany dia tsy tokony hilaza an'ilay izy mihitsy isika.

<sup>28</sup> Ankehitriny, raha mbola teo am-pianarana an'ireo Soratra, dia hitany fa efa tapitra ireo fitopolo herinandro. Noho izany, satria efa enina amby valopolo taona izy no tany, dia mbola nisy roa taona tavela alohan'ny hamerenan'Andriamanitra ny Olony hankany amin'ny tanindrazany.

Raha mbola tao amin'ny vavaka, dia hitantsika fa nisy Anjely mahery iray tonga avy tany An-danitra. Afaka miantso ny Anarany ve ny olona iray? [Hoy ny fiangonana hoe, "Gabriela."—Mpand.] Gabriela. Ary Izy no ilay Anjely ho an'ny fiangonana Jiosy. Firy no mahafantatra an'izany? Hatraiza hatraiza, dia Gabriela izany. Gabriela no iraka ho an'ilay fiangonana, ilay fiangonana Jiosy; tonga teo amin'i Maria; tonga teo amin'i Zakaria Izy. Isan'andro, dia Gabriela izany. Ary Izy no iray amin'ireo Anjely lehibe an'ny Lanitra. Ary tsy nitondra tamin'i Daniela Rahalahintsika fiarahabana iray mahafinaritra avy tamin'Andriamanitra ve Izy! "Oh, ry Daniela, malala indrindra!"

<sup>29</sup> Tsy hanao anareo ho tsara ve, ny mieritreritra fa nitia anareo Andriamanitra? Raha tsy notiavina indrindra aza aho, dia ho tiako fotsiny ny hahafantatra fa ho tiana kely fotsiny

aho Any ambony any, ary ianareo? [Hoy ny fiangonana hoe, “Amena.”—Mpand.] Azo antoka. Karazany fotsiny...Izy dia mihevitra ahy, matetitetika, dia hanao ahy te-hihiakiaka fotsiny mihitsy izany, ny mieritreritra fa miahy ahy mihitsy aza Izy. Ary manana antoka isika fa tena miahy antsika Izy, satria, “Raha mbola mpanota aza isika, dia maty teo amin’ny toerantsika Kristy,” rahalahy. Ary, ankehitriny, isika izay vahiny tamin’Andriamanitra, ankehitriny dia nanao antsika hanakaiky an’Andriamanitra ary nanome antsika an’ilay antoky ny famonjena antsika, izany hoe, ny Fanahy Masina. Ary miaraka amin’ny finoana iray ao anatiny ao izay mampakatra antsika any ambonin’ireo zavatr’izao tontolo izao, ka mandeha any an-tampon’izany isika. Be voninahitra izany. Sa tsy izany? [“Amena.”] Eny àry.

<sup>30</sup> Raha mbola tao amin’ny vavaka, dia tonga i Gabriela ka niteny taminy fa tsy hoe mbola misy roa taona fotsiny ihany sisa alohan’ny hiverenan’izy ireo any an-tanindrazana, fa niteny taminy an’ilay fitodihana manontolo an’io firenena io. Eritrereto izany! Ilay fitodihana manontolo, ny dia rehetra teto an-tany, nazavain’i Gabriela tamin’i Daniela izany. Nilaza fa Izy dia nirahina hiteny amin’i Daniela an’io zavatra lehibe io. Toy ny ahoana no tsy maintsy tsapan’io mpaminany io! Ary niteny taminy Izy fa nisy fitopolo herinandro voatendry ho an’ny vahoaka, hatramin’ny fahafonganana; izany no andro farany, noho izany dia tapitra ny rehetra, ny fahafonganana. Hoy Izy hoe, “Misy fitopolo herinandro.”

<sup>31</sup> Ny sasany tamin’izy ireo dia manao an’izany ho volana, ny sasany ho andro, ny sasany...Hah! Raha herinandro mihitsy tokoa izany, dia misy eo amin’ny roa taona sy ampahefany eo fotsiny, na taona iray sy ampahefany amin’izany. Ary, hitanareo, ianareo...Eo no tsy maintsy hitantsika, mba ho marina.

<sup>32</sup> “Fitopolo herinandro no voatendry ho an’ny vahoakanao.” Ho an’ny tanjona inona? Ho an’ny inona? Ho an’ny vahoakan’iza no nanendrena an’izany? Vahoakan’i Daniela, ireo Jiosy. Ary ho an’ny inona no nanendrena azy? Tsy ho an’i Daniela fotsiny ihany, fa ho an’ilay tanàna masin’i Daniela; hitanareo, ny tanàna masin’i Daniela. Ankehitriny, ry kilasy, iza ilay tanàna masin’i Daniela? [Hoy ny fiangonana hoe, “Jerosalema.”—Mpand.] Jerosalema.

<sup>33</sup> Ary ankehitriny isika dia haka, ho tonga eo amin’izany angamba izao hariva izao: Taiza no nisy an’i Jerosalema? Iza no nanorina an’i Jerosalema? Efa mba nieritreritra an’izany ve ianareo? Iza no nanorina an’i Jerosalema? Oviana izy no voaorina? Ho tonga eo amin’izany isika, afaka kelikely. Iza no nanorina an’i Jerosalema? Ry tovolahy, zavatra kely bitika iray nafenina tao amin’ny zoron-trano izany, saingy azo antoka fa Izany no miteny an’ilay izy. Eny, tompoko. Iza no nanorina an’i

Jerosalema, ary oviana izy no voaorina? Eny àry. Ary izany no tanàna masin'i Daniela.

<sup>34</sup> Ary tena mahazo isika fa io tanàna io, izay efa voaozona ankehitriny nandrity ny roa arivo taona, dia ho voaorina indray ary ho voapetraka indray. Ary ho voalamina mihitsy tahaka azy tany amin'ny voalohany ilay fanompoan'ny tempoly. Marina izany. Ho izany Jerosalema, ankehitriny, ary hisy fanatitra iray, fanatitra isan'andro iray hatolotra indray tahaka azy tany amin'ny voalohany mihitsy. Hiditra ao amin'ny ankamaroan'izany isika, heveriko, izao hariva izao, na betsaka amin'izany.

<sup>35</sup> Ankehitriny dia tiako ho fantatrareo, ry sakaiza, fa, ny mikasika an'ireo zavatra ireo, dia hamela herinandron'ny fampianarana marina tokoa aho. Fa mikasika kely an'izany fotsiny, mba rehefa mangatsiatsiaka ny andro, na any aoriana kely, rehefa miditra ao amin'ireo Tombokase Fito isika, Loza Fito, Trompetra Fito, ireo zavatra rehetra ireo, ka afaka miverina indray aho ary manao hoe, "Tsaroanareo ve ireo fitopolo herinandron'i Daniela? Tsaroanareo ve ny taonan'ny Fianganana, rehefa niakatra izy, sy izay niseho?" Ary ireto fitopolo herinandron'i Daniela ireto no manarona manomboka amin'ny fiakaran'ilay Fianganana hatrany amin'ny fiverenan'ilay Fianganana. Io elanelam-potoana io no saronany. Ankehitriny, ankehitriny, tsy ireo fitopolo herinandron'i Daniela rehetra; fa ampanhan'izany. "Fitopolo herinandro no voatendry."

<sup>36</sup> Ankehitriny, nisy tanjona enina tao amin'ny Famangiany, niteny taminy an'izay hiseho. Ankehitriny, dia misy tanjona enina an'ny Fihaviany. Ankehitriny, izao hariva izao, dia heveriko fa hiainga eto amin'ireo Soratra izay nisy antsika aninkeo maraina isika eto, izay nisy tanjona enina. Eto isika izao. Ankehitriny dia hitantsika fa nisy ireo tanjona enina, ny anankiray amin'izany. Ankehitriny dia ndao alaintsika ny toko fahefatra, ny andininy fahefatra... andininy faha-24 an'ny toko faha-9-n'i Daniela.

*Ary fitopolo herinandro no voatendry ho an'ny vahoakanao . . .*

Tsarovy ankehitriny, izany dia ny dia rehetra izay hananan'ireo Isiraelita eto amin'ity tany ity. Voatendry izy ireo. Fitopolo herinandro no voatendry marina. Izay ihany no nomena ho an'ireo Jiosy.

*. . . ho an'ny vahoakanao sy ny tanànananao masina, . . .*

Noho izany, ireo fitopolo herinandro ireo, aza diso an'izany ankehitriny, izany no hanambara manomboka amin'io fotoana io ka hatramin'ny fiafarany'ireo Jiosy, ary ny fiafarany'i Jerosalema ihany koa, mandra-pisian'ny tanàna vaovao iray ho voaorina. Ankehitriny, oh, manantena aho fa hiditra ao amin'izany isika, tena tsara sy lalina izao hariva izao.

*...no voatendry ho an'ny vahoakanao sy ho  
an'ny tanànanao masina,...(Hanaovana inona?)...  
hahatapaka ny fahadisoana,...*

<sup>37</sup> Inona no Noteneniny taminy ankehitriny? Izy dia miezaka ny hahita hoe mandra-pahoviana no hisian'izany. "Fantatro fa eo amin'ny andro farany izahay." Tahaka antsika ankehitriny, "Tompo..."

<sup>38</sup> Firy ato amin'ity kilasy ity, izao hariva izao, no mino fa eo amin'ny andro farany isika? Manaova hoe, "Amena." [Hoy ny fiangonana hoe, "Amena."—Mpand.] Misaotra anareo. Eo amin'ny farany isika. Ankehitriny dia miezaka isika ny hahita, amin'ny alàlan'Andriamanitra, hoe mandra-pahoviana fotsiny no hisian'izany. Andro inona no iainantsika? Izany no antony hiverenantsika sy handraisantsika indray an'ireto mpaminany ireto, sy ny sisa, ka miezaka ny hahita hoe aiza no misy antsika.

<sup>39</sup> Ary izany no nataon'i Daniela. Nanatodika ny tavany nankany amin'Andriamanitra izy. Firy no namaky an'i Daniela 9 androany, atsangano ny tånanareo. Eny àry. Hitanareo ny fivavany, toy ny ahoana no nanaovany ny fifonany ho an'ny vahoakany, ary ny fifonany ho an'ny tenany. Te-hahazo antoka izy fa hitany hoe rahoviana izy ireo no hiverina, satria te-hanao ny vahoaka ho vonona hiverina izy.

Ankehitriny, ny ezahako hatao, dia ny mahita hoe rahoviana isika no hiakatra, ka hanao ny olona ho vonona hiakatra, izay efa vonona. Ary nanatodika ny tavantsika nankany amin'Andriamanitra isika, tamin'ny alàlan'ireo vavaka sy fitarainana, mba hahita hoe, "Tompo, inona ilay ora izay iainanay?"

<sup>40</sup> Efa nahita an'ireo zavatra samihafa rehetra nitranga isika; hitantsika izao tontolo izao ao anatin'ny fahapotehana. Hitantsika ilay fotoana antomotra. Ilay s-...sora-tàhana eo amin'ny rindrina, ny zavatra rehetra izay nolazain'Andriamanitra. Rentsika ny Filohantsika miresaka ny amin'ny ady hafa iray, tonga izao ankehitriny izao. Rentsika ny filazana mialoha hoe, "Ao anatin'ny, oh, ao anatin'ny ora vitsy aorian'ny ady, dia voalaza mialoha fa tsy hisy afa-tsyo vovom-bolokano ireo firenena." Ary fantatsika fa ananantsika izany.

Noho izany dia fantatsika, alohan'ny iseohan'izany, dia tsy maintsy mandeha ilay Fiangonana. Noho izany, "Tompo, aiza no misy anay?" Izany no antony inoako fa hampahafantatra antsika Izy. Manatodika an'ireo tavantsika isika mba hahita. Ankehitriny, voalohany, ndao isika hahita.

*Fitopolo herinandro no voatendry eo amin'ny  
vahoakanao...ny tanànanao masina, mba hahatapaka  
ny fahadisoana,...hamarana ny fahotana, ary hanao  
fampihavanana nohon'ny heloka,...hampiditra*

*fahamarinana mandrakizay, . . . hanisy tombokase ny fahitana sy ny faminaniana, ary hanosotra an'ilay Masina indrindra.*

<sup>41</sup> Izany ireo tanjona enin'ny famangian'i Gabriela.

<sup>42</sup> Ankehitriny dia ndao isika hanomboka, nomerao iray. Raha tianareo ny handray naoty an'izany, ianareo izay manana pensily. Nomerao iray, "Hahatapaka ny fahadisoana," izany ilay zavatra voalohany. Ankehitriny, hahatapaka ny fahadisoan'ny Isiraely, izay nanao fahadisoana nanohitra an'Andriamanitra, dia ho ny fihodinana miala amin'ny haratsiam-panahin'i Jakoba.

Ankehitriny, mba ahitana an'io, dia ndao isika hamadika ao amin'ny Romana. Ny toko faha-11-n'ny Romana, ary manomboka amin'ny andininny faha-21-n'ny Romana 11. Ankehitriny dia hanao inona isika? "Hanapaka an'ireo fahadisoana." Romana 11:21. Eny àry.

*Fa raha Andriamanitra aza dia tsy namela an'ilay tena sampañy, . . . (Izany hoe iza? Isiraely.) . . . dia mitandrema fandrao . . . tsy hamela anao koa.*

Ankehitriny, tiako ianareo, rehefa mandeha mody, hamaky an'ity toko faha-11 manontolo ity. Mamaky an'ity fotsiny aho mba . . . Raiso naoty ilay toko faha-11 manontolo, ka vakio izany.

. . . tsy hamela anao.

*Koa indro ny fahatsaram-panahy . . . fahasaropon'Andriamanitra: amin'izay lavo, . . . fa ho amina kosa, dia fahatsaram-panahy, raha manohy amin'ny fahatsaram-panahy ianao: fa raha tsy izany ianao . . . dia hotapahana, ho tapahana koa.*

*Ary izy ireo koa, raha tsy mifikitra amin'ny tsi- . . . raha tsy mifikitra amin'ny tsi-finoana izy ireo, dia hatsofoka: satria Andriamanitra dia afaka manatsofoka azy ireo indray.*

Hitanareo, miteny fa hisy fotoana iray izay nanapahana ny Jentilisa, sy hiverenan'i Isiraely indray.

*Fa ianao raha efa notapahina avy tamin'ny -ny hazo oliva izay dia ara-natiora (Jentilisa), ka efa natao grefy nifanohitra tamin'ny natiora . . .*

Nifanohitra tamin'ny natiora isika, vahiny, tsy nanana famindrampo, tsy nanana an'Andriamanitra, tsy nanana fanantenana mihitsy. Fa Andriamanitra, nohon'ny Famindrampony, mba hanome antsika anjara iray, dia nanapaka an'ilay Isiraely marina nohon'ny fahadisoany, ka nametraka azy ireo teny amin'ny ilany, ilay dia- . . . ilay hazo oliva malefaka, ary nanatsofohana an'ilay hazo oliva dia, mifanohitra amin'ny natiora.

... tao amin'ny tsara . . . hazo: dia tsy mihoatra noho izany ve ireo, izay sampany ara-boajanahary, natsofoka tao amin'ny hazo olivany manokana?

Eny àry, ndao isika hanohy hamaky.

*Fa tsy tiako, rahalahy, ianareo tsy hahafantatra an'izany zava-miafina izany, fandrao hihevitra anareo ho hendry ianareo amin'ny fieboebonareo manokana; fa efa misy fahamafisam-po efa manjo ny Isiraely, mitranga amin'ny Isiraely, mandra-pahatongan'ny fahafenoan'ny Jentilisa . . . ho tonga.*

<sup>43</sup> Mandra-pahavitan'Andriamanitra amin'ny Jentilisa, dia nohajambaina Isiraely. Nilentika tao anatin'ny fahotana sy tamin'ny fahadisoana nanohitra an'Andriamanitra izy ireo, satria Andriamanitra no nanajamba ny mason'izy ireo, mba ahafahantsika hatao grefy. Azonareo ve ilay izy? [Hoy ny fiangonana hoe, "Amena."—Mpand.] Andininy faha-26 ankehitriny.

*Ary amin'izany dia hovonjena ny Isiraely rehetra: . . .*

<sup>44</sup> Andriamanitra no ninia nanajamba azy ireo ho ahy sy ianareo. Tsy afaka mahita izy ireo, satria Andriamanitra no nanajamba azy ireo. Ary ny Isiraely rehetra, ny tena Isiraely, dia hovonjena. Inona no nolazain'ilay Anjely? Voninahittra! "Hahatapaka ny fahadisoan'ny Isiraely! Tonga Aho hiteny aminao fa ho avy ny fotoana izay hahatapaka ny fahadisoan'ny Isiraely." Hanapaka an'io rantsana dia io Andriamanitra, ka hanao grefy ao amin'izany, eo, ilay tena sampana indray.

<sup>45</sup> Oh, indraindray dia manao ny foko hitroatra izany, mahita an'ireo olona mampalahelo, mahantre ireo voakapa any, tsy mahafantatra hoe aiza no halehan'izy ireo; ary mieritreritra fa Andriamanitra, tao amin'ny Famindrampony, no nanao an'izany mba ahafahako ho voavonjy. Nanajamba ny mason'izy ireo tamin'ny Mesiany manokana, nanakatona ny sofin'izy ireo mba tsy ahafahan'izy ireo handre Azy; kanefa, njery mihitsy an'ireo Fahagagany, ary njery mihitsy an'ireo Fahagagany sy ireo zavatra izay Nataony.

<sup>46</sup> Matio, mino aho, ny toko faha-12, na ny toko faha-8 na ny faha-12, no nanao hoe, "Na dia nanao fahagagana marobe aza Jesosy, dia mbola tsy nety nino foana izy ireo." Satria, hoy Andriamanitra hoe, "Mana-maso izy ireo fa tsy afaka mahita, ary sofina fa tsy afaka mandre; fandrao hahita ny mason'izy ireo ary handre ny sofin'izy ireo, ka hanova fo azy ireo Aho." Fa, mba ahafahantsika banana anjara iray, dia Nampidininy teo amin'ny mason'ireo Zanany Manokana ny lamban'efitra, nanaisotra an'ireo Zanany manokana hiala teo amin'ilay latabatra, ka nanolotra azy ireo ho amin'ny fihenan'ny Fanahy, mba Ahafahany mahita . . . mba ahafahantsika banana

anjara iray ho velona, manome antsika Fiainana. Andininy faha-26, indray.

*Ary amin'izany dia hovonjena ny Isiraely rehetra: araka ny voasoratra hoe, Hivoaka avy any Ziona ny Mpanafaka, ary hampiala ny haratsiam-panahy amin'i Jakoba:*

<sup>47</sup> Eny, ho tonga eo an-Tendrombohitra Ziona Izzy, indray andro any. Eo ambonin'ny Tendrombohitra Oliva, dia hahafantatra Azy izy ireo, ary ny Isiraely rehetra dia hahafantatra fa Izzy io. Vita ny amin'ireo Jentilisa amin'io fotoana io. Io sampana izay natao grefy io, Andriamanitra dia haka avy amin'izany an'ilay voa izay nangonina. Ary io sampana dia io dia ho . . .

<sup>48</sup> Ary tsarovy ankehitriny, eto aoriane eto raha mamaky ianareo, dia hoy Izzy hoe, "Raha masina io faka io, ka Faka masina iray io faka io, dia hitondra voa masina ihany koa ny voa izay mivoaka avy amin'io Faka masina io." Ary raha Jesosy Kristy io Faka io, Izay sady Faka no Solofon'i Davida; raha io Fiainana izay tao Aminy io, no miakatra eo amin'ilay taranaka Jiosy ka notapahina niala tamin'izy ireo, ka nohajambaina ny mason'izy ireo mba ahafahantsika mahita, dia tsy maintsy hitovy amin'io Sampana voatahy io ireo fiainantsika. Oh, eny, rahalahy Marina izany.

<sup>49</sup> Andriamanitra no nanapaka azy ireo, fanahy iniana, sy nanajamba ny mason'izy ireo mba ahafahantsika hanana anjara iray hahita, manome antsika fanararaotra iray. Ary mandehandeha toy ny hoe olona iray isika. Miteny amin'izy ireo i Paoly eto hoe, "Mitandrema, ahoana no anaovanareo an'izany. Mitandrema! Fa raha tsy navelan'Andriamanitra ilay sampana ara-boajanahary, dia ahoana intsony no mbola Hananany famindrampio amin'ilay sampana dia izay efa . . ."

Noho izany dia mandehandeha isika, manao hoe, "Presbyterana aho! Metodista aho! Batista aho! Pentekotista aho!" Tsy midika na inona na inona amin'Andriamanitra izany. Tsy maintsy ateraka indray avy amin'io Fanahy Masina io ianareo izay avy tamin'ilay Faka. Fa tonga Izzy . . .

<sup>50</sup> Ankehitriny, tsarovy, tsy miresaka ny amin'ny Jentilisa Izzy. Manipy an'izany fotsiny ato aho mba hahitanareo hoe aiza no ananan'ireo Jentilisa ny anjarany.

<sup>51</sup> Fa, tonga Izzy "hahatapaka ny fahadisoana," hamaranana an'izany. Ankehitriny, raha miverina ao amin'ny Daniela indray isika, ka hahita an'izany ao amin'ny Daniela, dia hitantsika eto, ny toko faha-24. Eny ary. "Hahatapaka ny fahadisoana." Hahatapaka inona? Hahatapaka ny fahadisoan'ny Isiraely.

Inona ny *manao fahadisoana?* Izany dia mandeha manohitra zavatra iray. Manao fahadisoana manohitra ahy, dia manao ratsy ahy. Manao fahadisoana manohitra anareo, dia manao ratsy anareo.

Noho izany, Isiraely dia nanao ratsy tamin'Andriamanitra. Ary ao amin'ity faha-fitopolo herinandro ity, dia inona no hitranga? Hahatapaka ny fahadisoan'ny Isiraely Andriamanitra. "Hahatapaka ny fahadisoana," dia ho, "hampiala ny haratsiampanahy amin'i Jakoba." Ary amin'izay fotoana izay dia hateraka indray ny Isiraely rehetra. Handray ny Fanahy Masina izy rehetra ireo.

Ankehitriny, nomerao roa, raiso naoty eo amin'ny taratasinareo izany.

<sup>52</sup> Afaka mijanona ela be eo amin'izany isika, saingy tsy te-handeha hitory eo amin'izany aho. Te-hiresaka aminareo fotsiny, mba ahafahanareo hahazo azy tsara. Rehefa miditra amin'ireo Tombokase Fito isika, amin'izay fotoana izay dia mandroso avy hatrany fotsiny eo amin'ilay Fianganana ianareo, eo amin'ireo Tombokase, eo amin'ireo Loza, ka hahafantatra hoe aiza no ijoroantsika. Eny àry.

<sup>53</sup> Nomerao roa, "Hamarana ny fahotana." Ankehitriny dia ndao isika hamaky indray, Daniela.

*...hahatapaka...fahadisoana, sy-sy hamarana ny fahotana,...*

Io no tanjona faharoa an'ny Fihaviany. Voalohany, dia hahatapaka ny fahadisoan'ny Isiraely; ary hamarana ny fahotana. Taiza no nanotan'i Isiraely? Taiza izy ireo no nanao ny fahotany mahafaty? Taiza izy ireo no nampisaraka ny tenany tamin'Andriamanitra?

<sup>54</sup> Henoy tsara ankehitriny. Ndao isika hamadika ao amin'ny Masindahy Matio 24. Ary teto no nanaovan'ny Isiraely ny fahadisoany mahafaty. Teto no nanaovany ny fahotany farany, sy ny antony mahatonga azy ao amin'ilay toerana androany. Matio, ny toko faha-27-n'ny Filazantsaran'i Masindahy Matio, ary ny andininhy faha-25-n'ny toko faha-27. Ndao isika hanomboka eo amin'ny—ny andininhy faha-21.

*Namaly ny governora ka nanao tamin'izy ireo hoe, Iza amin'izy roa lahy no halefako ho anareo? Dia hoy izy ireo hoe, Barabasy.*

Tsarovy ankehitriny, Isiraely izany. "Barabasy!"

*Pilato nanao tamin'izy ireo hoe, Inona no hataoko... amin'i Jesosy izay antsoina hoe Kristy? (Henoy izy ireo!) Izy rehetra dia nanao taminy hoe, Aoka izy hohomboana.*

Tsarovy, io dia ny Mesian'izy ireo izay nolazain'i Daniela fa ho avy. Tsaroanareo aninkeo maraina, tao amin'ny lesontsika teto hoe, "Hovonoina Izzy, tsy ho an'ny Tenany," tsy tamin'ny inona na inona izay Nataony.

*...Aoka izy hohomboana.*

*Dia hoy ny governora hoe, Nahoana, inona no ratsy nataony? Fa vao mainka niantsoantso izy ireo, nanao hoe, Aoka izy hohomboana.*

Noho izany dia hitan'i Pilato fa tsy afaka nandresy lahatra na inona na inona izy, fa... nandroso ihany aza ny tabataba, dia naka rano izy, ka nanasa ny tànany teo anatrehan'ny vahoaka betsaka, nanao hoe, Tsy manantsiny amin'ny ràn'ity olona marina ity aho: jereo... ny amin'izany.

<sup>55</sup> Hitanareo! Ity ny fahadisoan'izy ireo. Ity ny fahotan'izy ireo.

*Tamin'izay dia namaly... ny olona, ka nanao hoe, Aoka ny ràny ho aminay, sy ho amin'ny zanakay.*

<sup>56</sup> Teo no nanaovan'izy ireo an'ilay izy. Namarana ny fahotana ho azy ireo Izy. Ahoana no Ahafahany hanao zavatra hafa afatsy ny mamela azy ireo, mahafantatra fa tsy maintsy nanajamba ny mason'izy ireo Izy, mba ahafahantsika miditra. Ilay izy dia toy ny hoe ireo Zanany manokana no mitaky Ny Ràny. Ary nohajambaina izy ireo, ary Fantany fa nohajambaina izy ireo. Izany no antony Niantsoantsoany famelâna ho azy ireo. "Mamelà azy ireo, Ray, fa tsy fantany izay ataony." Jamba izy ireo. Nohon'ny amintsika no nanaovana azy ireo ho jamba. Tao amin'ny tsi-finoany no nanaovan'izy ireo an'io. Saingy rehefa mahita Azy indray izy ireo... Amena!

<sup>57</sup> "Mamarana ny fahotana." Inona ny fahotana? Tsi-finoana. Tsy nino izy ireo fa io ilay Mesia. Tsy afaka nahita Azy ho Mesia izy ireo, kanefa nanao ny famantarana rehetra izay nasaina nataon'ny Mesia Izy. Saingy tsy afaka nahita an'izany izy ireo. Jamba izy ireo.

<sup>58</sup> Noho izany rehefa mahita ny olona ianareo manao hoe, "Tsy mino ny fanasitranana avy amin'Andriamanitra aho. Tsy afaka mahita an'izany aho. Tsy afaka mahita an'io batisan'ny Fanahy Masina io aho." Aza tezitra amin'izy ireo; jamba izy ireo. Hoy izy ireo hoe, "Tsy afaka mahita an'io Hafatry Ny Fihaviany io aho. Tsy afaka mahita an'io batisan'ny Fanahy Masina io aho. Tsy afaka mahita an'ilay taranaky ny menarana aho. Tsy afaka mahita an'io karazan-javatra io aho." Jamba izy ireo, nefâ tsy fantany izany. Mivavaha fotsiny ho azy ireo. Eny àry.

<sup>59</sup> Tao amin'ny tsi-finoany; saingy, rehefa mahita Azy izy ireo, rehefa tonga indray Izy, dia izany no mamarana ny tsi-finoan'izy ireo. Oh, oadray! Ndao isika aloha hamadika fotsiny ao amin'ny Genesisy ny faha-25, ny toko faha-45, ka haka ta—tandindona iray an'izany. Nandray naoty sasantsasany aho eto, Genesisy 45, ianareo izay mandray naoty. Oh, toy ny ahoana no itiavako an'ity Filazantsara trrainainy tsara ity! Eny àry. Ankehitriny dia fantatsika hoe aiza no misy antsika.

Afaka mandre ahy tsara mihitsy ve ianareo, eny amin'ny faran'ny tranobe? Atsangano ny tanganareo raha afaka mandre ahy ianareo. Manana an'ity akaiky kely ity aho.

<sup>60</sup> Ankehitriny dia hamaky ambahany iray an'ity Soratra ity isika. Tiako ianareo hihaino, ianareo izay tsy manana ny Baibolinareo. Ianareo izay manana ny Baibolinareo, dia Genesisy izany. Voalohany, ndao isika hanomboka amin'ny toko faha-44, manomboka amin'ny andininy faha-27.

<sup>61</sup> Izany dia i Josefa, ary Josefa dia tandindona iray tanteraka an'i Kristy. Fantatsika izany. Firy no mahafantatra an'izany? [Hoy ny fiangonana hoe, "Amena."—Mpand.] Nankahalain'ireo rahalahiny (nahoana?) satria ara-panahy izy, nahita fahitana izy, nandika an'ireonofy. Lehilahy ara-panahy iray teo anivon'ireo rahalahiny izy, ka nankahala azy izy ireo. Fa ny rainy tia azy.

Dia toy izany koa Jesosy nankahalain'ireo fiangonana ara-anaram-piangonana, saingy tian'Andriamanitra Ilay Rainy. Nahoana izy ireo no nankahala Azy? Satria ara-panahy Izzy. Satria... Niteny izy ireo, hoy izy ireo hoe, "Mpanao hatsarana iray Izzy, devoly iray."

<sup>62</sup> Tsaroanareo ve izay nolazain'ireo rahalahin'i Josefa taminy? "Indro tonga ilay mpanonofy." Hitanareo? Hitanareo, mitovy. Ary izy ireo dia nivarotra an'i Josefa saiky tamin'ilay vidiny iray ihany izay nivarotan'i Jodasy an'i Jesosy, volafotsy madinika telopolo. [Nandondona imbetsaka teo amin'ny polipitra Rahalahy Branham—Mpand.] Nanipy azy tao anatin'ny lavaka iray, ary nandeha ka niteny tamin'ilay ray fa nisy zavatra iray namono azy, maty izy. Saingy nakarina avy tao amin'ilay lavaka izy. Kristy dia natsipy tao anatin'ny lavaka iray, ary nakarina. Ary avy teo dia nandeha nankeo amin'ilay toerana avo indrindra izy izay nisy teto an-tany. Amen! Josefa dia nandeha nankeo an-tanana ankavan'an'i Farao; ary Jesosy dia nandeha nankeo an-tanana ankavan'an'Andriamanitra. Tao amin'ny fakam-panahiny, talohan'ny fisandrataky. Jesosy, talohan'ny nanandrata Azy, dia nandalo fakam-panahy.

<sup>63</sup> Nahoana, mino aho fa i Billy Sunday ilay izy, ilay evanjelista malaza, no nanao hoe, "Ny tsirairay-ny hazo tsirairay dia nanana Anjely iray tapitriza nipetraka teo aminy, tamin'io andron'ny fanohomboana io, nanao hoe, 'Avohay fotsiny ny Tanganao ka atondroy aminay. Hanova an'ity sehatra manodidina eto ity izahay.'" Saingy tsy afaka nanao an'izany Izzy.

<sup>64</sup> Hoy i Kaifa hoe, "Izy dia namonjy ny tenany; fa tsy afaka mamonjy ny hafa." Tsy fantany fa nanao filazana tsara iray izy. Raha namonjy ny Tenany Izzy, dia tsy afaka namonjy ny hafa Izzy. Noho izany, dia Natolony ny Tenany, mba hamonjy ny hafa. Hitanareo, tena jamba tamin'izany. Ankehitriny izy ireo...

<sup>65</sup> Avy eo rehefa tao amin'ny fisandratany izy, na talohan'ny fisandratany, ny fakam-panahiny. Tsarovy, Josefa dia napetraka tao anatin'ny tranomaizina satria tsy nanan-tsiny izy. Ilay Romana, na . . .

<sup>66</sup> Ilay jeneraly Israelite, tamin'ny anarana hoe Potifara; lasa i Potifara, ary nandeha lavitra teo amin'ny dia iray. Nanana vady tsara tarehy iray izy, ary nasain'ny vadiny ho tonga tao an-trano i Josefa mba hanao zavatra iray; ary niezaka izy ny hitondra an'i Josefa hanao zavatra ratsy. Fa nahatoky tamin'Andriamanitra izy. Teneniko aminareo, izy ireo isan'andro . . .

<sup>67</sup> Ianareo vehivavy, efa nivazavaza anareo aho; ankehitriny dia hanohana anareo aho, iray minitra. Hitanareo? Ny vehivavy no vazy malemilemy. Fantattro fa mety misy lehilahy ratsy iray alohan'ny isian'ny vehivavy ratsy iray. Fa ireo lehilahy izay mahafantatra an'izany, ireo lehilahy izay mahafantatra fa zanakalahin'Andriamanitra ianareo, nefà hanararaotra vehivavy iray, dia mbà menatra ianareo; tsy mampaninona izay ataony. Vazy malemilemy iray izy, ary fantatrareo izany. Raha mivoaka izy, mihetsika tsy toy ny ramatoa, dia raiso amin'ny tànany izy ka miresaha aminy tahaka ny anabavy iray. Zanakalahin'Andriamanitra ianareo. Aza manao an'ireny zavatra ratsy ireny. Jereo Josefa, ohatra iray ho anareo izy.

<sup>68</sup> Ary rehefa ny vadin'i Potifara, io vehivavy tsara tarehy io, mendri-kaja, ambony indrindra, iray amin'ireo vehivavy ambony indrindra izay nisy tao amin'ilay firenena, dia niangavy azy sy nandresy lahatra azy. Dia nitodika izy, ka nandray azy ary niezaka ny hamihina azy teo aminy. Fa nihifika izy hany ka navelany mihtsy aza ny palitaony, ka nandositra azy. Eny, tompoko. Ary rehefa tonga izy, dia niteny lainga mikasika azy izy ireo, nilaza fa tonga izy mba hanolana azy, ary navelany ny . . . ary navelany teo ny palitaony. Ary izany no antony nandehanany tao amin'ilay tranomaizina. Fa, tao amin'ilay tranomaizina, dia nomba azy Andriamanitra, tsy mampaninona izay nametrahan'izy ireo azy.

<sup>69</sup> Izy dia tandindona iray an'ny Zanaky ny fanambinana. Ny zavatra rehetra izay nataon'i Josefa dia nambinina. Ary rehefa miverina Jesosy ao amin'ny Arivo taona, dia izany no antony hamoazan'ireo tany efitra toy ny raozy iray. Ny zavatra rehetra izay Ataony dia hambinina. Izy no Zanaky ny fanambinana. Na taiza na taiza no nametrahanareo an'i Josefa, dia voatahy izany. Na aiza na aiza no misy an'i Jesosy, dia voatahy izany. Noho izany, ampidiro ao am-ponareo Izy dia aoka ho voatahy.

<sup>70</sup> Noho izany dia hitantsika ankehitriny, fa, Josefa dia natao tao anaty tranomaizina iray tamin'izany. Ary tao anatin'ilay tranomaizina dia nisy lehilahy roa; ny iray tamin'izy ireo dia very, ary ny iray dia voavonjy. Jesosy, teo amin'ny Fakam-panahiny teo amin'ny hazo fijaliana, ny mpangalatra iray dia very ary ilay iray hafa voavonjy.

<sup>71</sup> Rehefa nasandratra Izy, dia nandeha teo an-tànana ankavanana'Andriamanitra Izy. Rehefa nasandratra i Josefa, dia nandeha teo an-tànana ankavanana'i Farao izy, ka tsy nisy olona afaka niresaka tamin'i Farao raha tsy niresaka tamin'i Josefa aloha ary nahazo alàlana.

Ary rehefa niala tao amin'ny lapa i Josefa...Oh, oadray! [Mitehaka ny tènany miaraka indray mandeha Rahalahy Branham—Mpand.] Rehefa niala tao amin'ny lapa i Josefa, dia naneno ny trompetra, ary nihazakazaka teo alohany ireo lehilahy, nanao hoe, "Mandohaleha! Avy i Josefa!" Amena!

Ary rehefa miala avy eo an-tànana ankavanana'ny Fiandrianana any ambony Jesosy, dia haneno ny trompetra. Ka ny lohalika rehetra hilefitra, ary ny lela rehetra hiaiky hoe, "Avy Jesosy!" Azo antoka! Fa raha . . .

<sup>72</sup> Ary, tsarovy, rehefa nolavin'ireo rahalahiny izy, dia inona no nataony? Naka vady Jentilisa iray izy; naka vady Egyptiana iray izy. Rehefa nesorina niala tamin'ireo Rahalahiny Jesosy tany, ireo Jiosy, dia nanambady Ampakarina Jentilisa iray Izy. Fa ankehitriny, taona maro taty aoriane, rehefa teraka ireo zanany, Efraima sy Manase, dia nanana fianakaviana iray izy.

<sup>73</sup> Tamin'izay fotoana izay, indray andro, dia tonga hamangy azy ireo rahalahiny. Diniho. Fantatsika ilay tantara, hoe ahoana no nametrahany an'ilay zavatra kely tao, mba haniraka hiverina. Ary nihetsika toy ny hoe tsy afaka niteny ny fitenin'izy ireo mihitsy aza izy; nanana mpandika teny iray, ho an'ny teny Hebreo, nefo dia Hebreo iray ny tenany. Ary tonga ny rahalahin'izy ireo. Tsy nahafantatra azy izy ireo. Andriana mahery iray izy.

Ary izao ankehitriny izao, dia mamangy an'ireo Jiosy Kristy, manasitrana ny aretin'izy ireo sy ny sisa, nefo mbola tsy fantatr'izy ireo foana hoe Iza Izy, io Mesia io.

Ndao isika hanomboka amin'ny andinin faha-27-n'ny toko faha-44.

*Dia hoy ny raiko mpanomponao taminay hoe,  
Fantatrareo fa ny vadiko dia niteraka ho ahy—ny  
vadiko dia niteraka zazalahy roa ho ahy:*

*Fa ny iray tamin'izy ireo dia lasa niala tamiko, . . .*

Josefa izany, ilay anankiray mihitsy izay resahan'izy ireo.

*. . . ka hoy aho hoe, Azo antoka fa voaviravira ho  
potipotika izy; ka tsy nahita azy aho hatramin'izao:*

*Ary raha alainareo hiala eto amiko koa ity, ka hisy loza  
hanjo azy koa, dia hampidininareo amim-pahorianana any  
amin'ny fasana ny volo fotsiko.*

<sup>74</sup> Nanana Benjamina kely iray izy ireo teo, ny rahalahy keliny. Fantatrareo ve hoe maneho an'iza i Benjamina? Io andiany vaovao an'ny tena, Jiosy tena izy izay miangona any ankehitriny

io mba hanao an'ilay efatra arivo amby efatra alina amby iray hetsy, io—io firazanana izay eo am-pahatongavana io. Tsy ireo mpisolokin'ny Wall Street, tsia, tsia; mihoatra noho ny fonom-tafondro io. Tsy Jiosy ireo. Tsy Jiosy ireo. Ireo tena Jiosy dia ireto Benjamina kely izay eo am-pahatongavana avy any ireto, ary tsy nandre mihitsy ny Tenin'i Jesosy Kristy akory aza.

*Koa ankehitriny raha manatona ahy...ary ny rainao...ary ny raiko, ka tsy hijaraka aminay ny zaza; satria ny ainy dia mifamatotra amin'ny ain'ny zaza;*

<sup>75</sup> Ny Ain'Andriamanitra manokana dia mifamatotra amin'ny Isirael. Nanambady azy Izy. Ho tonga eo amin'izany isika afaka minitra vitsy, raha sitraky ny Tompo. Nanambady an'ny Isirael Izy. Ny Ainy dia mifamatotra aminy. Tahaka ahy mifamatotra amin-dRtoa. Branham iry aoriana iry fotsiny, ny vadiko, ary ianareo mifamatotra amin'ny vadinareo. Voarakotra ao anatin'izany ny ainareo. Ary manambady an'ny Isirael Andriamanitra. Ary inona izany? Hoy Jakoba hoe, "Ny aiko dia voarakotra sy mifamatotra amin'ity ankizy ity. Izaho dia . . ."

*Ary izao no hiseho, rehefa hitany fa tsy miaraka aminay ny zaza, . . .*

Saika hihazona an'ilay zaza i Josefa, fantatrareo. Fantatsika ilay tantara.

*...ary dia ho faty izy, ny dadany: ary ny mpanomponao dia hampidina amim-pahoriany ny volo fotsin'ny rainay mpanomponao any am-pasana.*

Henoy ity fiangaviana izay omen'i Robena ity ankehitriny.

*Fa ny mpanomponao nanao antoka ny amin'ilay zaza tamin'ny anao . . . tamin'ny raiko, nanao hoe, Raha tsy mitondra aho . . . tsy mitondra azy aty aminao, amin'izay fotoana izay dia ho meloka amin'ny raiko mandrakizay aho.*

*Koa ankehitriny, miangavy anao aho, aoka ny mpanomponao no hitoetra hisolo ny zaza . . .*

Oh, oadray! Hitanareo, mitsangana mihitsy eo anatrehan'i Josefa izy, ny rahalahiny. Io dia Josefa, nefo tsy fantany izy. Oh, miandrasa mandra-panombok'io Arivo taona io, rahalahy!

*. . . ankehitriny raha tokony ilay zaza no ho andevolahy ho an'ny tompoko; . . .*

Henoy izy, miaiky azy hoe, "tompo."

*. . . dia aoka ny zaza handeha hiakatra miaraka amin'ireo rahalahiny.*

*Fa ahoana no handehanako hiakatra any amin'ny raiko, nefo tsy hijaraka amiko ny zaza? fandrao sanatria hahita ny ratsy izay ho tonga amin'ny raiko aho.*

<sup>76</sup> Niangavy, nanolotra ny ainy manokana! Toy ny ahoana no hitsanganan'ireo Jiosy any miaraka amin'ny tānany mitsotra! Diniho. Diniho ankehitriny ny andininy faha-45, andininy... Henoy tsara, aza diso an'ity. “Rehefa afaka i Josefa...”

*Tamin'izay fotoana izay Josefa dia tsy afaka...-fehy azy—nahafehy ny tenany teo anatrehan'izay rehetra nitsangana niaraka taminy;...*

Rahalahy, izany ilay izy rehefa hofaranana ny fahotana. Hiparitaka ny tsi-finoana.

*...ary niantsoantso izy, ary nanao ny olona rehetra handeha...hiala eto amiko. Ary tsy nisy olona nitsangana niaraka taminy, raha nampahafantatra ny tenany tamin'ireo rahalahiny i Josefa.*

<sup>77</sup> Inona izany? Na dia ny vadiny aza dia niverina nankany amin'ny lapa. Oh, oadray! Ny Ampakarina ao amin'ny Voninahitra, raha mbola miverina Jesosy (hiditra ao amin'izany isika eto) mampahafantatra ny Tenany.

*Dia nitomany mafy izy:...*

Tsy afaka nahatanty ela intsony mihitsy i Josefa, ka nikiakiaka izy.

*...ary ireo Egyptiana sy ny ankohonan'i Farao dia nandre an'izany.*

<sup>78</sup> Hatrany anatin'ny lapa mihitsy, no nandrenesan'izy ireo an'i Josefa nikiakiaka. Ankehitriny, izany no tandindona iray an'i Kristy mihaona amin'ireo Jiosy, fa, Fantany fa Izy no nanajamba azy ireo mba ahafahantsika manana anjara iray. Fa rehefa hiverina ho amin'izy ireo indray Izy, dia ho tapitra ny fahotan'ny Isirael.

*Ary hoy Josefa tamin'ireo rahalahiny hoe, Izaho no Josefa;...*

Inona no heverinareo fa ho lazain'i Jesosy? “Izaho no Mesianareo. Izaho ilay Anankiray izay nohomboanareo.”

*...mbola velona ihany ve ny raiko? Ary ireo rahalahiny dia tsy afaka namaly azy; fa toran-kovitra teo anatrehany izy ireo.*

<sup>79</sup> Oh, tsy maintsy mijanona eto iray minitra fotsiny aho. Ndaو isika hamadika ao amin'ny Zakaria ny toko faha-12. Mamadiha miaraka amiko ankehitriny ao amin'ny Bokin'ny Zakaria, ny toko faha-12-n'ny Zakaria. Ary angamba haka fotoana betsaka kely aho eo am-panombohana history eo amin'ity, saingy izaho—manantena aho fa tsia. Ary izaho—tiako ianareo hahazo an'ity, tsara mihitsy.

<sup>80</sup> Zakaria, ndao isika haka ny toko faha-12-n'ny Zakaria, ka hahita an'izay ho Lazainy ankehitriny rehefa mitsangana eo anatrehan'ireo Rahalahiny Izy. Zakaria 12, ary ny faha-10.

“Mamarana ny fahotana,” ankehitriny. Eny àry, toko faha-12 ary ny andininy faha-10.

<sup>81</sup> Mariho. Ary miresaka ny amin’ilay sisa nanamborana izy eto ankehitriny; ilay fahiranon’i Jerosalema; nesorina ilay bibidia sy ireo tafika, sy ny sisa; tonga eo amin’ny farany ny zavatra rehetra ankehitriny; ity dia saiky ny Arivo taona, vonona ny hanomboka ilay Arivo taona izao ankehitriny izao.

*Ary haidiko amin’ny ankohonan’i Davida, sy amin’ireo mponina any Jerosalema, ny fanahin’ny (inona?) fahasoavana...*

Amena! Fahasoavana mahagaga!

*...amin’ny ankohonana...mponina an’i Jerosalema, (“tanàna masina” an’i Daniela), ny fanahin’ny fahasoavana sy ny fifonana: ka hijery ahy izay nolefony izy ireo, ary hisaona azy izy ireo, toy ny anankiray misaona ny zananilahy tokana, sady halahelo azy, toy ny anankiray izay malahelo ny lahimatoany.*

<sup>82</sup> Henoy, ho fisaonana iray toy ny inona izany rehefa hitsangana eo Izzy, mampahafantatra ny Tenany amin’izy ireo, tahaka ny nataon’i Josefa! Henoy.

*Ary amin’izany andro izany dia hisy fisaonana tena lehibe any Jerosalema, toy ny fisaonana tao Hadad...*

Tsy haiko ny manonona an’ilay anarana, H-a-d-a-d-r-i-m- -o-...

*...Hadadrimona ao...Megido—Megido.*

*Ary ao amin’ny tany dia hisaona, ny fianakaviana tsirairay hitokana; ny fianakavian’ny ankohonan’i Davida hitokana, ary ny vadin’izy ireo hitokana; ary ny fianakavian’ny ankohonan’i Natana hitokana, ary ireo fianakaviany hitokana;*

*Ny...ankohonan’i Levy...ary ny vadin’izy ireo sy ireo fianakaviany hitokana;...ary Simeona sy ireo azy hitokana;*

*Ary ny fianakaviana sisa rehetra, ny fianakaviana tsirairay...sy ny vadin’izy ireo hitokana.*

<sup>83</sup> Ho tena menatra ny tenany izy ireo, rehefa mitsangana eo ka hahita fa ilay Anankiray mihitsy izay nohomboan’izy ireo sy nolaviny, io mitsangana io, ny Josefany sarobidy manokana. Hisy ny fisaonana tahaka an’izany! Ary hilaza izy ireo hoe, “Taiza no Nahazoanao an’ireto holatra ireto?”

<sup>84</sup> Hoy Izzy hoe, “Tao an-tranon’ireo Sakaizako.” Hitanareo ve izay tiako lazaina? Hamarana ny fahotana, ny tsi-finoana, ho an’izany no Ahatongavany.

<sup>85</sup> Ary ity faha-fitopolo taonan’i Daniela ity, faha-fitopolo herinandro, raha ny marina, dia tonga mba hamarana ny

fahotana, manafoana an'izany. Azonareo ve ankehitriny? Inona ilay voalohany? "Hahatapaka ny fahadisoana." "Hamarana ny fahotana." Nomerao telo, "Hanao fampihavanana nohon'ny heloka." Ianareo izay mandray naoty an'izany.

Nanana teo amin'ny Soratra enina hafa aho eo, saingy dinganiko fotsiny izany, satria mafana ny andro. Tsy te-haka fotoana be loatra isika. Tiako ny hahita betsaka amin'izany arak'izay vitako, saingy tsy hihazona anareo ela loatra. Eny àry.

<sup>86</sup> "Hanao fampihavanana nohon'ny heloka." *Heloka* dia "manao ratsy," tahaka ny nataon'izy ireo teo amin'ny hazo fijaliana. Nanao fampihavanana Izy, saingy tsy hampiharina amin'izy ireo izany. Tsy nampiharina tamin'izy ireo izany. Nahoana? Satria nohajambaina izy ireo ka tsy afaka nahita an'izany. Ary nahoana izy ireo no jamba?

Hoy ianareo hoe, "Eny, angamba, androaany... satria jamba aho." Minia jamba ianareo. Jamba izy ireo satria Andriamanitra no nanajamba azy ireo. Fa ianareo dia jamba satria minia jamba. Tsy misy fampihavanana ho anareo. "Raha tsy mino ianareo fa Izaho no Izy," hoy Jesosy, "dia ho faty ao amin'ny fahotanareo ianareo." Marina izany.

<sup>87</sup> Ankehitriny dia ndao isika hamadika indray ao amin'ny Zakaria, ny toko faha-13. Ndao isika hihaino eto ankehitriny. "Manao fampihavanana." Ankehitriny, aiza ity... Nitady olona iray aho, handre an'ity—handre an'ity, saingy ny Tompo angamba no hanao an'ilay izy amin'ny fomba iray.

*Amin'izany andro izany dia hisy...*

<sup>88</sup> "Amin'izany andro izany." Dr. Scofield dia manana eto ao amin'ireo naotiny, na ireo titran'ny andalany hoe, "Ilay sisa nanamborana... Ilay sisa nanamborana nibebaka dia nandroso nankeny amin'ny hazo fijaliana."

<sup>89</sup> "Hanao fampihavanana nohon'ny heloka." Heloka, dia zavatra izay nanaovanareo ratsy, nefá nahafantatra tsaratsara kokoa ianareo, fa tsy tokony nataonareo ilay izy. "Raha misaina heloka ato am-poko aho, dia tsy hihaino ahy Andriamanitra."

<sup>90</sup> Ankehitriny, ao amin'ny Zakaria ny toko faha-13, ndao isika hanomboka amin'ny faha-1, amin'ny andininy faha-1.

*Amin'izany andro izany dia hisy loharano iray voasokatra ao amin'ny ankohonan'i Davida sy ho an'ny mponina any Jerosalema ho an'ny fahotana sy... fahalotoana.*

<sup>91</sup> Hisy trano iray hisokatra. Mandrosoa; afaka hamaky an'izany mitohy midina fotsiny isika. Tiako ianareo handray naoty an'izany mba hamakianareo azy. Fa ankehitriny, dia nandray naoty aho eto mba hanombohana eo amin'ny andininy faha-6 ary hamaky hatramin'ny faha-10. Eny àry, ndao isika

hamaky ankehitriny ka hahita, hamaky ny faha-9, raha ny marina.

*Ary ny anankiray dia hilaza aminy, hoe taiza... Inona ireto holatra eo amin'ny t  nanao ireto? Dia hamaly izy hoe, Ireto... izay ananako dia... (Ndao jerentsika.)... hamaly hoe, Ireto dia izay nandefonana ahy tao antranon'ny sakaizako.*

*Mifohaza, O ry sabatra, hanohitra ny mpiandry ondry, sy hanohitra ny lehilahy izay namako, hoy ny TOMPON'ny maro: asio ny mpiandry ondry, dia hiyahaka ny ondry: ary hamerina ny T  nako eo amin'ireo madinika kely aho.*

<sup>92</sup> Ankehitriny, Jesosy no nanonona an'io Soratra io. Hitanareo, “Asio ny MPIANDRY ondry, dia hiyahaka ny ondry.” Fa mariho ilay andalana manaraka. Hatreto fotsiny ihany no Notononiny. Fa diniho izay lazain’ilay fehezan-teny manaraka, ilay ampa hany manaraka. “Ary hamerina ny T  nako amin’ireo madinika kely Aho.” Inona? Ilay vondron’i Benjamina izay tonga ankehitriny. “Hamerina ny T  nako amin’ireo madinika kely Aho.”

<sup>93</sup> “Asio ny MPIANDRY ondry.” Isiraely, voalohany, Isiraely no namely an’ilay MPIANDRY ondry, nampihahaka ny ondry nankany amin’izao tontolo rehetra izao. Fa hoy Andriamanitra hoe, “Hamerina ny T  nako indray Aho, mba haka an’ireo madinika kely amin’ny andro farany.” Rahoviana? Rehefa vita ny fampihavanana nohon’ny heloka.

<sup>94</sup> Hovonjena ny Isiraely, ny tsirairay avy amin’izy ireo. Ndao isika hamaky ao amin’ny Isaia. Ny Isaia, ny toko faha-66-n’ny Isaia, ary hamaky vetivety fotsiny. Ary jereo izay lazain’Andriamanitra mikasika ny Isiraely voavonjy, hafiriana no hilaina hamonjena ny Isiraely. Diniho hoe haingana toy ny ahoana no hahatongavan’izany. Ao amin’ny Isaia, ny toko faha-66 ary ny andininy faha-8. Raha te-hamaky azy rehetra ianareo, eny ary.

*Iza no nandre zavatra toy izany? iza no nahita zavatra toy izany? Hisy tany hatao ary hateraka... indray andro... ao anatin’ny indray andro ve? ... fa vantany vao nihetsi-jaza Ziona, dia niteraka ny zanany izy.*

<sup>95</sup> Vantany vao hitan’i Ziona fa ny Mesiany io, dia nateraka indray izy, tao anatin’ny indray andro. “Manao fampihavanana nohon’ny fahotana, ary manao fampihavanana noho ny heloka, fahalotoana.” Oh, oadray! Nanao izay ratsy izy ireo, izay diso. Natao noho ny helok’izy ireo ny fampihavanana.

<sup>96</sup> Nomerao efatra. “Hampiditra fahamarinana mandrakizay.” Izany ilay zavatra fahefatra izay Hahatongavany. Ny fahefatra, izay Ahatongavany mba hatao, “Mba—mba hampiditra fahamarinana mandrakizay.” “Mamarana ny fahotana; fampihavanana; ary mampiditra fahamarinana mandrakizay.”

Rehefa tonga eo amin'ny fiafarana iray ireo fahadisoan'ny Isirael... Rehefa ny fahadisoan'ny Isirael...

<sup>97</sup> Ankehitriny isika dia handeha... Tiako ianareo hahazo an'ity, satria rehefa hitondra an'ilay vehivavy isika, ary ilay dragona voaroaka, dia hiverina avy hatrany eto amin'ity Soratra iray ihany ity indray. Aoka hahazo antoka handray naoty an'Izany. Rehefa tonga eo amin'ny fiafarana iray ny fahadisoan'ny Isirael, Satana, izay mpiampanga azy ireo sy mpiampanga antsika, dia hasiana tombokase ao amin'ny lavaka tsy hita noanoa i Satana. Rehefa inona? Rehefa mampiditra fahamarinana mandrakizay, zavatra iray izay tsy mety mifarana, izay rehetra niteraka tsi-fahamarinana dia ho foana miaraka.

<sup>98</sup> Ndao isika haka ny Apokalypsy ny toko faha-20 ary ny andininy faha-13, iray minitra fotsiny, ka ndao isika hamaky eto iray minitra fotsiny. Apokalypsy 20, ary 13... Tsia, mamele à ahy. Apokalypsy... 1 hatramin'ny 3, no izy. Tsy hitako ilay marika kely teo anelanelan'izany. Miditra ao anatin'ny masoko ny hatsebohako eto. Apokalypsy ny toko faha-20, ary ndao jerentsika.

*Ary nahita anjely iray nidina avy tany an-danitra aho,  
nanana ny fanalahidin'ny lavaka tsy hita noanoa sy rojo  
lehibe iray teny an-tànanay.*

*...nisambotra an'ilay dragona izy, ilay menarana ela,  
dia ny devoly, sy Satana, ka namatotra azy arivo taona,*

*Ary nanipy azy tao amin'ny lavaka tsy hita noanoa,  
ka nanidy azy, dia nanisy tombokase iray teo amboniny,  
mba tsy hamitahany ny firenena intsony, mandra-  
pahatapitry ny arivo taona: ary rehefa afaka izany...  
dia tsy maintsy hovahana mandritry ny vanim-potoana  
kely iray.*

<sup>99</sup> Manao mandrakizay... “Mampiditra fahamarinana mandrakizay,” Satana ao anatin'ny lavaka tsy hita noanoa. Ary rehefa manao an'izany Izy, ka manisy tombokase an'ny devoly izay namitaka ny olona.

<sup>100</sup> Ankehitriny dia ndao isika hiverina hamadika ao amin'ny Habakoka, ny toko faha-2. Habakoka, ny toko faha-2. Ary ho hitantsika ankehitriny hoe nahoana Izy no nanisy tombokase an'ity menarana ela ity, sy hoe ho an'ny inona no nanaovana an'izany, ary inona no miseho avy hatrany rehefa avy nasiana tombokase izy. Tiako ity, ary ianareo? [Hoy ny fiangonana hoe, “Amena.”—Mpand.] Izany—mitondra antsika ho amin'ny fahalalana iray izany. Habakoka, Habakoka, ny toko faha-2 ary ny andininy faha-14, mino aho fa izay ilay izy, izay tiako vakiana. Rehefa miseho ity... Diniho.

*Fa ny tany dia ho feno fahalalana sy ny voninahitry ny  
TOMPO, toy ny rano manarona ny ranomasina.*

<sup>101</sup> Oooh, oadray! [Mitehaka ny tànany Rahalahy Branham—Mpand.] Fioo! Amin'ny teny hafa dia, rehefa napetraka lavitra ilay fahavalo, dia tonga ny fiafarany' fahotana, tonga ny fampidirana ny fahamarinana mandrakizay, voaisy tombokase ao anatin'ny lavaka tsy hita noanoa i Satana, ary ny fahalalana ny Tompo no handrakotra ny tany tahaka ny rano mandrakotra ny ranomasina. Amena! Voninahitra ho an'Andriamanitra! Ho avy izany, rahalahy, ho avy izany! Ireo vehivavy dia ho ramatoa, ary ireo lehilahy ho henin-kaja. Amena!

Rehefa ny fahalalana ny Tompo no hameno ny tany  
sy ny lanitra;  
Ary, oh, misento ny foko, miantsoantso an'io  
andron'ny fanafahana mamy io,  
Izay hiverenan'i Jesosintsika eto an-tany indray.

<sup>102</sup> Amena! Eny àry. Ankehitriny, mandeha ny Arivo taona amin'izay fotoana izay. Izany dia rehefa ilay Arivo taona, rehefa tsy maintsy voaorina ilay Tanàna. Fahefatra... Manana eo amin'ny Soratra enina amboniny eo aho, saingy handeha haingana isika. Ankehitriny, rehefa miverina isika, dia halaiko ireo Soratra hafa ireo; fa manome anareo fotsiny an'ilay hevi-dehibe.

<sup>103</sup> Nomerao dimy. "Hanisy tombokase ny fahitana sy ny faminaniana." Hitanareo, io Anjely io dia tonga mba hanisy tombokase ny fahitana sy ny faminaniana.

Izaho—halako ny hilaza an'ity. Saingy, mpanoratra malaza iray, izay novakiako indray andro, raha tsy hoe nafangarony tanteraka izany! Nilaza izy fa izany ilay izy. Ankehitriny, mba hanehoana fotsiny hoe donto saina toy ny ahoana...

Oh, miala tsiny aho. Tsy fanahy iniako no milaza an'izany. Mamelà ahy. Tsy fanahy iniako izany. Tsy fanahy iniako marina tokoa. Tsia.

Le—le—lehilahy iray tsy manana hosotra, hitanareo, hoy ilay lehilahy hoe, "Hitanareo eto fa ireo fahitana sy faminaniana dia nomena foana ho an'ny fiangonana Jiosy." Ary hoy izy, "Hatramin'ny andron'i Daniela, rehefa tonga i Daniela, izany no nidika fa tsy nahazo fahitana intsony na faminaniana intsony izy ireo." Hoy izy, "Ary ireo zavatra rehetra izay resahan'izy ireo amin'izao andro izao, mikasika ny fahitana sy faminaniana, dia zavatra iray avy amin'ny devoly daholo, fa tsy misy izany fahitana sy faminaniana izany."

Rahalahy, nisy mpaminany roa ambin'ny folo taorian'i Daniela. Ary nisy an'i Jaona Mpanao-batista. Nisy an'i Jesosy Kristy. Nisy an'ireo mpaminany nanerana ny Testamenta Vaovao. Nisy an'ireo fahitana. Nisy an'ireo Anjely.

Ahoana marina no ahafahan'ny lehilahy iray hilaza an'izany? Fa, hitanareo, izany dia antony tia tena iray, ny

miezaka manesika zavatra anankiray eo amin'ny olona, ny manao foto-pampianaram-piangonana kely, na zavatra kely tsy misy dikany, mba ho lasa zava-misy iray amin'ny olona. Ary raha tsy manana ny Fanahy Masina ny olona, dia ho voafitak'izany izy ireo.

<sup>104</sup> Ankehitriny, ndao isika tsy haka an'izay nolazain'ny olona iray. Ankehitriny, tsy misy Soratra iray hanaporofa an'izany. Noho izany dia ahoana no ahafahako handray an'izany? Eny, ndao isika hahita hoe inona marina tokoa ny fanisiana tombokase. Diniho! Tonga Izy mba hanao an'izany, hanisy tombokase ny fahitana sy ny faminaniana.

<sup>105</sup> Ankehitriny, ndao isika hamadika mihitsy indray ao amin'ny Bokin'i Daniela, izay nisy antsika. Ao amin'ny Bokin'i Daniela, dia hahita an'izay Nolazainy marina tokoa isika. Ankehitriny dia ndao isika hamadika ao amin'ny Daniela ny toko faha-12. Ankehitriny, raha tonga eo amin'ny Daniela 12 isika, ankehitriny, dia afaka manomboka. Ary hamaky manomboka... Rehefa mandeha any an-trano ianareo, dia tiako ianareo hamaky manomboka amin'ny andininy faha-1. Ndao fotsiny isika hamaky manomboka amin'ny andininy faha-1, midina hatrany amin'ny faha-4.

*Ary amin'izany andro izany Mikaela dia hitsangana... ilay andrian-dehibe dia hitsangana hiaro ny zanaky ny vahoakanao:...*

Ankehitriny, ity dia amin'ny andro farany.

*...ary hisy andro fahoriana, izay tsy nisy tahaka azy hatramin'izay... ny firenena...*

Izany dia rehefa ilay antikristy, ilay mpitaingin'ny Tombokase Voalohany no mivoaka, rehefa miseho izy.

*...ka hatramin'izany andro izany:...*

Tsy tamin'ny andro izay nakan'i Titus an'ireo mandan'i Jerosalema. Io dia teo amin'ny toerana anankiray fotsiny ihany. Diniho rehefa ity antikristy ity, io andriana izay tsy maintsy ho tonga io, diniho rehefa tonga izy.

*...ka hatramin'ilay fotoana iray ihany: ary amin'izay fotoana izay dia ho afaka ny vahoakanao, ny tsirairay avy izay hita voasoratra ao anatin'ny boky.*

Haleloia! "Ny vahoakanao," Israely, "dia ho voasoratra ao anatin'ny boky iray."

*Ary maro amin'ireo izay matory ao amin'ny vovoky ny tany no hifoha, ny sasany ho amin'ny fiainana mandrakizay, ary ny sasany ho amin'ny henatra sy latsa mandrakizay.*

<sup>106</sup> Ahoana marina no nahafahan'izany ho nisy rehefa naka an'ireo mandan'i Jerosalema i Titus? Ahoana no nahafahan'izany

ho nisy? Tsy mety izany. Hitanareo, miresaka ny amin'ny andro farany izy, amin'ny fitsangana. Marina ve izany? Ankehitriny:

*Ary ireo izay hendry dia hamirapiratra toy ny famirapiratry ny lanitra; ary ireo izay mamerina lavitra...izay mamerina ho amin'ny fahamarinana... ireo kintana mandrakizay...*

Henoy! Ity ilay izy, ilay tena, fanisiana tombokase marina.

*Fa ianao, O ry Daniela, akombony ireo teny, ary asio tombokase ny boky, hatramin'ny andro farany:...*

<sup>107</sup> Inona izany? Oh, haleloia! Hitanareo ve izany, ry kilasy? Ity fanambaran'i Jesosy Kristy ity, sy an'Ny Heriny, an'Ny Fihaviany, an'ny andro farany, dia voaisy tombokase hatramin'ity fotoana ity. Izany no Ahatongavany mba hatao. Nafenina tamin'ireo mahay izany; tsy mahagaga, izy ireo dia te-hampihatra, "ny fanisiana tombokase," tany aorianana tany, amin'ny hoe "tsy misy mpaminany," sy ny sisa tany aorianana lavitra. Tsy hitombona izany. Fa ny fahitana, ity fahitana ity, dia efa voaisy tombokase hatramin'izao ankehitriny izao mihitsy eto. Ary eo no ametrahako ny finoako, hoe Andriamanitra dia hanambara an'ireo fitopolo herinandro ireo. Amena! "Asio tombokase izany," hoy Izy, "hatramin'ny andro farany. Akatony ireo Teny ary asio tombokase ny Boky hatramin'ny andro farany."

<sup>108</sup> Inona no nataony? Manisy tombokase ny fahitana sy ny faminaniana! Daniela no naminany an'ireo zavatra ireo. Nahita an'izany tao amin'ny fahitana iray izy, ka nidina ilay Anjely mba hanisy tombokase an'ilay fahitana, sy hanisy tombokase an'ilay faminaniana. Afaka mamaky azy izy ireo, saingy tsy afaka mahazo azy, hatramin'ny andro farany. Ny andro farany, inona ny andro farany? Ny faran'ilay faha-fitopolo herinandro, rehefa io andriana io, antikristy, no ho voambara, amin'io fotoana io, manao ny tenany ho Andriamanitra. Ahoana no ahafantarantsika fa voaisy tombokase io hatramin'ilay fotoana? Vao avy namarana i Daniela; ity no toko faran'ny Daniela.

<sup>109</sup> Niteny tamiko Ranabavy Simpson tamin'ity tolakandro ity, hoy izy hoe, "Ranadahy Branham, efa namaky ny Bokin'i Daniela manontolo aho. Izaho—tsy nahafantatra betsaka aho rehefa nijanona, namarana, noho ny nahafantarako rehefa nanomboka." Ity ilay izy, Ranabavy Simpson, raha eto ianao izao hariva izao. Mino aho fa mahita azy mipetraka etsy aho. Tsy nilaza na inona na inona mihitsy aho tao anatin'ilay fiara tarihina. Nihazona ny filaminako aho, satria nihevitra aho fa ho tonga eo amin'izany angamba.

Fa, ny fahitana izay hitan'i Daniela, tany akaikin'ilay renirano tany, dia voaisy tombokase, "hatramin'ny andro farany." Izany dia... Avelao aho handroso fotsiny ka hamaky an'izany eto. Hitanareo?

*Fa ianao, O ry Daniela, ahoròny ireo teny, ary asio tombokase ny boky, hatramin'ny andro farany: maro no hivoivoy, ka ny fahalalana dia hitombo.*

*Ary izaho Daniela dia njery, ka, indro, nitsangana... roa, ... ny anankiray teo amin'ny lafiny iray... an'ilay renirano, ary ny anankiray teo amin'ny lafiny hafa an'ny moron'ilay renirano.*

*Ary hoy ny anankiray tamin'ilay lehilahy mitafy tao anatin'ny—tao anatin'ny rongony fotsy, izay teo ambonin'ireo ranon'ilay renirano hoe, Mandrapahoviana no ho tanteraka ny faran'ireo fahagagana ireo?*

Henoy ankehitriny.

*Ary reko ilay lehilahy mitafy ao anatin'ny rongony fotsy, izay teo ambonin'ireo ranon'ilay renirano, rehefa nanandratra ny tànany ankavanana sy ny tànany ankavia nankany amin'ny lanitra izy, ary nianiana tamin'izay velona mandrakizay sy mandrakizay fa hisy andro iray, andro, sy antsasaky ny andro;...*

Ankehitriny, tonga marina—marina tokoa mihitsy isika, “Andro, andro, ary antsasaky ny andro.” Ankehitriny dia diniho rehefa miditra ao amin’ireo fitopolo herinandron’i Daniela isika, hoe ahoana no ahatongavan’izany. Amin’izany no hahavoambara an'ilay zava-miafina. Eny àry. “Andro, andro, ary antsasaky ny andro.”

...ary rehefa izy no... (“izy,” mpisolo anarana ankehitriny, ilay antikristy) ...no nahatan...nahatanteraka nahatanteraka ny fanamontsanana ny herin’ny olona masina, (izany dia rehefa tapahiny ny fifanekeny eo afovoan’ny herinandro), ireo zavatra rehetra ireo dia ho tanteraka. (Amena.)

*Ary nandre aho, nefo tsy nahafantatra: dia hoy aho hoe, O... Tompo, hanao ahoana ny fiafarar’ireo zavatra ireo?*

*Dia hoy izy, Zory ny lalanao, ry Daniela: fa efa voakatona ireo teny ary voaisy tombokase hatramin'ny andron'ny...*

[Miato Rahalahy Branham. Hoy ny fiangonana hoe, “Farany!”—Mpand.] Oh, aza adinonareo izany!

...hatramin'ny andro farany.

*Maro no hodiovina, sy hofotsiana, ary hozahan-toetra; fa ny ratsy fanahy dia hanao ratsy ihany: ary tsy hisy amin'ny ratsy fanahy hahazo; fa ny hendry no hahazo.*

<sup>110</sup> Ny Hafatry ny andro farany no hanambara azy; ilay taom-piangonana farany. Voninahitra! Fioo! Eo ianareo

izao! Oh, oadray! Mampangovitra ahy izany, ny mieritreritra an'izany, ilay zava-miafina! Ireo zavatra izay anakimpian'ilay fiangonan'izao tontolo izao ny masonry, sy ilazany hoe, "Fahadalana izany." Ilay zava-miafina ny amin'ny hoe Iza Jesosy Kristy; tsy Olona fahatelo, tsy Olona faharoa, tsy Olona fahatelo, fa *ilay* Andriamanitra Olona. Ho voambara ireo zava-miafin'Andriamanitra hafa rehetra ireo, satria voasoratra ao amin'ity Boky eto ity izany, ary ho voambara amin'ilay taranaky ny andro farany. Tsy afaka mahita an'izany any amin'ny seminera, sy sekoly, ary anaram-piangonana izy ireo, mihoatra noho ny nahafahan'ireo Jiosy nahita fa Jesosy no Mesia. Tsy mahagaga izy ireo raha miezaka hihevitra fa adala ianareo. Tsy mahagaga izy ireo raha mihevitra fa adaladala ianareo. Tsy mahagaga izy ireo raha tsy afaka mahazo hoe nahoana ianareo no tsy mitsindroka miaraka amin'izy ireo. Satria, misy Hery iray sy fahitana iray ao ambadik'izany, Tenin'Andriamanitra iray izay efa voambara, mba hanao an'ilay Fiangonana ao amin'ny lamina ho amin'ny Fampakarana sy handeha any an-Trano. Eny. "Maro no hivoivoy, ary hitombo ny fahalalana." Izany tokoa.

<sup>111</sup> Ankehitriny, inona ilay zavatra iray hafa izay ho fantatra? Jereo amin'izao andro izao, ireo fiangonana. Ity ilay izy. Manantena aho fa tsy mandratra ilay izy, fa tsy maintsy teneniko izany. Manao . . .

<sup>112</sup> Amin'izany andro izany dia hisy antikristy hitsangana.

<sup>113</sup> Ankehitriny, tsarovy, rehefa tonga ao amin'ireo Tombokase isika, fa mitaingina eo ambonin'ireo Tombokase ireo mihitsy io antikristy io. Niresaka ny aminy i Daniela eto hoe, "Ilay andriana izay ho avy." Hovonoina Izy, hovonoina Jesosy, mba hanao fampihavanana ho an'ny olona. Fa, "Io andriana izay hitsangana io, izay hanao fahavetavetana mba hanao fandravàna," dia Roma izany, amin'ny alàlan'i Titus. Ary amin'ity fotoana ity, ilay izy dia andriana iray hivoaka avy ao Roma, no hanao an'izany. Ary ho voambara izy amin'ny andro farany, henoy ankehitriny, "manao ny tenany ho Andriamanitra," araka ny ampitandrem'an'ny Fanahy Masina antsika ao amin'ny Tesaloniana Faharoa, ny faha-2.

Ndao isika handeha eo amin'izany mihitsy, Tesaloniana Faharoa, ary avy eo dia tsy hahazo ny teniko ianareo fa ny Tenin'Andriamanitra. Tesaloniana Faharoa, ny toko faha-2 ary ny andininy faha-12. Ndao jerentsika. Tesaloniana Faharoa, ny toko faha-2 ary ny andininy faha-12. Ndao jerentsika. Ndao isika hanomboka ny eo ambonin'izany, ny andininy faha-7.

*Fa efa miasa sahadys ny zava-miafin'ny heloka: . . .*

(Ity dia Paoly no miteny, amin'ny alàlan'ny Fanahy Masina.) . . .

*nefa—nefa izy ilay misakana ankehitriny dia ao ihany,  
mandra-panaisotra azy.*

Iza ilay “Izy” eto? Misy olona mahafantatra ve? Ny Fanahy Masina, “Izy no misakana.”

*Ary ary eo (rahoviana) dia ho voambara ilay anankiray Ratsy fanahy, . . .*

Rahoviana? Amin’ny fotoana izay hanesorana ny Fanahy Masina mihitsy, izay vonona ny hiala izao ankehitriny izao. Ho an’ny inona no Hialany? Hitondra an’ilay Fiangonana miaraka Aminy. “Voambara!” Paoly no miteny, eo ambanin’ny tsindrimandry.

*. . . izay ho levonin’ny Tompo amin’ny fanahin’ny vavany, ary hofoanany amin’ny famirapiratan’ny fihaviany: (ilay anankiray ratsy fanahy, mazava ho azy)*

*Fa izy, ny fihaviany dia araka ny fiasan’i Satana amin’ny hery sy famantarana ary fahagagana mandainga rehetra,*

“Izahay no fiangonana malaza indrindra. Izahay manana an’ity. Izahay manana an’ity. Mifamatora mafy miaraka ianareeo rehetra, hitanareeo. Izahay no malaza indrindra.” Fahagagana mandainga!

*Ary miaraka amin’ny rehetra . . . an’ny tsi-fahamarinana amin’izay ho levona; satria tsy nandray ny fitiavana ny fahamarinana izy ireo, izay ahafahany ho voavonjy.*

*Koa izany no nahatonga an’Andriamanitra nandefa ho azy ireo ny fahadisoan-kevitra, mba hinoan’izy ireo ny lainga hinoamy ny lainga:*

*Ary mba izy ireo . . . hohelohina izay tsy nino ny fahamarinana, fa efa nankasitraka ny tsi-fahamarinana.*

<sup>114</sup> Azonareo ve ilay izy? [Hoy ny fiangonana hoe, “Amena.”—Mpand.] Oh, oadray! Ankehitriny, Paoly no miteny. Ny fotoana izay nampahafantarana an’ilay Tombokasen’Andriamanitra, Ny Fanahiny, Ny Anarany, ny Fahasoavany, ireo zava-miafina lehibe hafa rehetra izay miseho ireo ankehitriny, ireo drafitra handehanan’Ny Fiangonany ao amin’ny Fampakarana; ny firotsahan’ny Fanahy Masina no nanao an’io. Izany no Nataony tamin’ny andro farany.

<sup>115</sup> Ankehitriny, ndao jerentsika. Manana fotoana ho an’ity anankiray farany ity ve isika? [Hoy ny fiangonana hoe, “Amena.”—Mpand.] Ny Fahlenina, “Hanosotra ny Avo indrindra.” Oh, oadray! Ity no anankiray! Ilay zavatra farany izay tsy maintsy Hataony, dia inona? Ankehitriny, ndao isika hiverina mihitsy ao amin’ny Daniela, hahita izay rehetra tsy maintsy Hataony eto mihitsy. “Fitopolo herinandro.” Inona no tsy maintsy ho tanteraka amin’io fotoana io? Eny àry.

*...no voatendry ho an'ny vahoakanao...ny tanànanao masina, mba hahatapaka ny fahadisoana (ny fahadisoan'ilay vahoaka), ...hamarana ny fahotana (ho an'ilay vahoaka), sy hanao fampihavanana nohon'ny helok'izy ireo, sy hampiditra fahamarinana mandrakizay (ho an'ireo Jiosy), sy hanisy tombokase ny fahitana sy ny faminaniana (hatramin'ny andro farany), ary hanosotra an'ilay Masina indrindra.*

Izany ireo antony enin'ny Fihaviany.

<sup>116</sup> Ankehitriny, “hanosotra an'ilay Masina indrindra.” Ankehitriny, mety ho hafahafa kely ity mandritry ny iray minitra fotsiny, ho an’ny maro aminareo mpampianatra, saingy hazony fotsiny mandritry ny iray minitra fotsiny izany, jereo fotsiny hoe ahoana no ahatongavan’izany.

<sup>117</sup> Ity dia ny fanosorana, tsy olona iray. Jesosy dia efa voahosotra. Marina ve izany? [Hoy ny fiangonana hoe, “Amena.”—Mpand.] Ny Bokin’ny Asa dia nilaza fa Andriamanitra efa nanosotra an’i Jesosy tamin’ny Fanahy Masina; Izy dia nandeha nanerana nanao soa, nanasitrana ny marary, sy ny sisa. Jesosy dia, efa. Izy no Mesia. Ary Mesia dia midika hoe “ilay Anankiray voahosotra.” Marina ve izany? Fa eto amin’ny andro farany, dia tsy maintsy hanosotra an'ilay Masina indrindra Izy.

<sup>118</sup> Inona “ilay Masina indrindra”? Amin’ny fomba fahitako azy, fa mino aho fa afaka manaporofa an’izany amin’ny alàlan’ny Soratra aho, ny manosotra “ilay Masina indrindra,” dia ho ilay Tabernakely izay hampiasaina mandritry ny Arivo taona. Henoy ankehitriny, jereo hoe nahoana aho no tonga eo amin’izany. Voafariparitra ao amin’ny Ezekiel, ny—ny toko faha-4, ny... Tsia, ny tiako lazaina dia ny toko faha-43, andininy faha-1 sy faha-6. Ndao isika hiverina ao amin’ny Ezekiel ka hahita hoe ahoana no nanaovany sary ny Arivo taona, ahoana no hanosoran’izy ireo an'ilay... Ezekiel 43, ary ndao fotsiny isika hamaky kely eto ankehitriny ka hahita an’izay Hataony ao amin’ity Arivo taona ity, ilay hosotra. Ao amin’ny Ezekiel 43, eny àry, ary ankehitriny dia ndao isika hanomboka amin’ny faha-1, hatramin’ny andininy faha-6. Afaka mamaky an'ilay zavatra manontolo ianareo rehefa tonga any an-trano, mazava ho azy, ianareo izay mandray naoty, Ezekiel 43. “Taorian’izany...”

<sup>119</sup> Ankehitriny, diniho, ny famariparitana an'ilay Tempoly izay tsy maintsy ho voaorina ao amin’ny Arivo taona. Ankehitriny, ny rehetra, ny mpamaky rehetra izay mahafantatra, fa manomboka amin’ny Ezekiel ny toko faha-40, hatrany amin’ny toko faha-44 eo, dia tsy inona marina afa-tsy ny Tempolin’ny Arivo taona mitsangana eto ambonin’ny tany, (ny rehetra dia mahafantatra an’izany, hitanareo), rehefa ny voninahitry ny Tompo no mamenno azy, sy ny sisa tahaka an’izany. Ankehitriny isika dia...

hamariparitra an'ilay Tempoly fotsiny ao amin'ny toko faha-43, ary ny andininy faha-1 hatramin'ny faha-6.

*Rehefa nentingy teo amin'ny vavahady aho, dia ilay vavahady izay nanatrika nankany atsinanana:*

*Ary, indro, ny voninahitry'i... Andriamaniry ny Isiraelly tonga avy tany atsinanana: ary ilay feo dia tahaka ny feon'ny rano be: ary ny tany dia namirapiratra tamin'ny voninahitry.*

*Ary izany dia araky ny fisehon'ilay fahitana izay hitako, dia arak'ilay fahitana izay hitako fony aho tonga handrava ny tanana: ary ilay fahitana dia tahaka an'ilay fahitana izay hitako teo amoron'ny renirano Kebara; ka dia lavo tamin'ny tavako aho.*

*Ary ny voninahitry ny TOMPO—ny voninahitry ny TOMPO dia niditra tao an-trano avy teo amin'ny vavahady izay manatrika mankany atsimanana.*

*Dia nisy fanahy nanainga ahy, ka nitondra ahy ho ao amin'ny kianja anatin'y; ary, indro, ny voninahitry ny TOMPO no nameno ny trano.*

*Dia reko izy niteny tamiko avy tao an-trano; ary ilay lehilahy dia nitsangana teo akaikiko.*

<sup>120</sup> Manosotra, manosotra an'io Tempoly io ho an'ny fanjakana Arivo taona. Ankehitriny dia raiso naoty ao amin'ny Levitikosy. Diniho ankehitriny hoe ahoana no nanokanana azy ao amin'ny Levitikosy. Ankehitriny, raha miverina ao amin'ny Levitikosy isika, dia mahita fa Mosesy no nanosotra ny tempoly. Ndao isika hiverina raha mbola eo isika. Manana an'izany fotoana betsaka izany isika. Ary ndao isika hiverina ao amin'ny Levitikosy ka hahita hoe oviana no nanosoran'i Mosesy ny tempoly, ao amin'ny Levitikosy ny toko faha-8.

<sup>121</sup> Oh, tiako fotsiny ny mampitaha an'ireo Soratra ireo amin'ny Soratra. Tsy tianareo ve izany? [Hoy ny fiangonana hoe, "Amena."—Mpand.] Ary avy eo ianareo—ianareo dia banana fotsiny he—he—hevitra iray ny amin'ny—ny amin'izay tadiavintsika sy izay ataontsika. Ankehitriny, ianareo rehetra dia mahalala fa mampiasa Soratra iray matetitetika fotsiny isika, eo amin'izany.

<sup>122</sup> Ankehitriny, ny toko faha-8-n'ny Levitikosy, ary nandray naoty aho eto, ny andininy faha-10. Raiso naoty ny Levitikosy 8:10. Ndao jerentsika.

*Ary nalain'i Mosesy ny diloilo fansorana, ary nararany ny diloilo fansorana, ka nanosotra ny tabernakely sy izay rehetra tao anatin'y, ary nanamasina azy ireo.*

*Ary...nafafiny impito teo amin'ny alitara izany, ...  
nanosotra ny alitara sy ireo vazy rehetra, ny tavy sy ny  
faladihany, mba ny...mba hanamasina azy ireo.*

*Ary nararany...ny diloilo fanosotra teo ambonin'ny  
lohan'i Arona, ka nanosotra azy, mba hanamasina azy.*

<sup>123</sup> Mosesy, tany an-efitra, nanamasina, na nanosotra an'ilay tabernakelin'ny fanompoana, ho an'ireo zanak'Isiraelny fony izy ireo teo amin'ny diany. Voahosotra izany.

<sup>124</sup> Ankehitriny, ao amin'ny Tantara Faharoa, mamadiha, dia ho hitantsika ny fanokanana an'izany rehefa naka ny Fitoerany tao amin'ny tabernakely ny Fanahy Masina, ary diniho izay niseho ankehitriny. Ao amin'ny Tantara Faharoa ny toko faha-5, ary ndao isika hanomboka amin'ny andininy faha-13. Tantara Faharoa ny toko faha-5, ary manomboka amin'ny andininy faha-13.

*Ary izao no...niseho, satria ireo trompetra sy ireo  
mpihira dia toy ny...manao feo iray ho renesina...  
ny fiderana sy fisaorana an'ny TOMPO; ka rehefa  
nanandratra ny feony niaraka tamin'ny trompetra sy  
ny kipantsona ary ny zava-maneno isan-karazany izy  
ireo, ka nidera ny TOMPO, ary nihira hoe, Fa tsara izy;  
ary ny famindrampony dia maharitra mandrakizay: dia  
feno rahona ny trano tamin'izay fotoana izay, dia ny  
tranon'ny TOMPO;*

*Ka ireo mpisorona izay nitsangana...tsy afaka  
nitsangana hanao fanompoana ireo mpisorona  
nohon'ny rahona: fa feno ny voninahity ny TOMPO ny  
tranon'Andriamanitra.*

<sup>125</sup> Niditra tao amin'ilay toerana masina izay tsy maintsy nosorana Andriamanitra, sy natolotra Azy mba hahatongavan'ny olona hivavaka. Koa, manosotra, tsy hoe ny toerana "masinao", fa manosotra ny toerana "Masina indrindra." Ary mahamarika isika, fa, Jerosalema Vaovao no ilay toerana "Masina indrindra." Ary ilay hosotra dia ho eo amin'ilay Jerosalema Vaovao izay midina avy amin'Andriamanitra any Andanitra, voaomana tahaka ny ampakarina mihaingo ho an'ny vadiny. Ho eo ambonin'izy ireo ilay hosotra.

<sup>126</sup> Ankehitriny, rehefa nitokana ny tempoliny i Zerobabela, taorian'ny nanorenana azy indray, dia tsy voahosotra indray izy, satria efa voahosotra; ary efa nopotehina, fa natsangana fotsiny indray. Tonga teo aminy ny fandravàna. Natsangana indray izy ary napetraka, noho izany dia tsy nisy fanosorana azy intsony. Rehefa voahosotra indray mandeha izy, dia nitohy foana izany, ary mitohy hatramin'izao andro izao mihitsy izany. Fa rehefa mametrakà ny Tabernakelin'ny Arivo taona Andriamanitra, dia Izzy no hanosotra an'ilay Masina indrindra; tsy hoe "ny masinao," fa "ilay Masina indrindra."

<sup>127</sup> Fa rehefa mandray Ny Seza fiandrianany ilay Mpanjaka ho an'ny arivo taona, (voninahitratr!) dia tapitra ny aminy ankehitriny. Ny fanosorana an'ilay Masina indrindra no ho zavatra farany hiseho. Rehefa tafatsangana ilay Tabernakely; tonga ny fitsanganana; niverina ireo Jiosy; tonga Kristy sy Ny Ampakariny; ny Jiosy, voaisy tombokase ireo efatra arivo amby efatra alina amby iray hetsy; niseho ny Arivo taona. Hisy fanosorana iray rehefa ho voahosotra ilay Masina indrindra; ilay masina, Masin'ny masina, ary ilay Masina indrindra. Fa, ilay toerana Masina indrindra dia ny toerana masina izay ipetrahan'Andriamanitra, eo anelanelan'ireo Kerobima. Ary, amin'ity fotoana ity, dia hipetraka ao amin'ilay toerana Masina indrindra Kristy, miaraka amin'ny hosotra eo Aminy. Ary tsy hila masoandro izy ireo ao, fa ny Zanak'ondry eo afovoan'ilay Tanàna no ho Fahazavana. Tsy hilentika intsony ny masoandro ao amin'io Tanàna io, araka ny nolazain'i Dadatoa Jim antitra fahiny. Ary tsy hilentika intsony izy, satria ho Kristy io Fahazavana io, ilay Anankiray voahosotra. Ary ho tonga ilay Mpanjaka ka handray Ny Seza fiandrianany mandritry ny arivo taona, hanjaka.

<sup>128</sup> Jeremia 3:12-18, manontolo, ndao vakantsika izany. Ao amin'ny Jeremia ny toko faha-18, mino aho. Hia. Tsia, ny toko faha-12, mamele ahy, ny toko faha-12-n'ny Jeremia, ary ndao isika hanomboka amin'ny—ny...Jeremia 3, mamele ahy. Jeremia 3, izaho dia—nanoratra eto, izay, rehefa nianatra, namindra ahy nitety toerana mihitsy ny Fanahy Masina, nandray naoty fotsiny an'ireto aho tamin'ny tsara indrindra izay vitako. Jeremia 3, ary avy eo 12 hatramin'ny 18, manontolo. Ndaoo vakantsika izany.

*Mandehana ka lazao ireto teny ireto manatrika ny avaratra, ka manaova hoe, Miverena, ianao ry Isiraely mpihodina, hoy ny TOMPO; fa izaho tsy hanao ny—ny...hanao ny fahatezerako hilatsaka eo aminareo: fa mamindra fo aho, hoy ny TOMPO, ka tsy hitahiry fahatezerana mandrakizay aho.*

*Fantaro fotsiny ny helokao, fa nihodina tamin'ny TOMPO Andriamanitrapa ianao, ka nivezivezy nankany amin'ny hafa teo ambanin'ny hazo maitso rehetra,...*

Izany no nataon'izy ireo, avy any atsinanana, andrefana, ny firenena rehetra. Hitanareo?

*...fa tsy nankatò ny feo ianareo, ny feoko, hoy ny TOMPO.*

“Miverena!” Henoy ity.

*Miverena, O ry zaza mpihodina, hoy ny TOMPO; fa izaho no (m-a-n-a-m-b-a- -d)...izaho no manambady anareo:...*

“Nohajambaina ny mason’izy ireo, satria nanome anjara iray ho an’ireo Jentilisa Aho. Fa, miverena, fa Izaho no manambady anareeo.”

*...ary hangalako iray isan-tanàna ianareo, ary roa isam-pianakaviana, ...*

Tsy izay rehetra miantsio ny tenany ho Jiosy no hiditra. Fa ilay vondrona voafidy no hiditra, ilay Benjamina kely izay tonga tany teo anatrehan’i Josefa, io vondrona avy any amin’ny firenena rehetra io, iray isan-tanàna, ary isam-pianakaviana.

*...ary ho entiko any Ziona ianareo:*

*Ary izaho hanome anareo pasitera iray araka ny foko, izay hamahana anareo amin’ny fahalalana sy fahazoana.*

*Ary izao no hiseho, rehefa mihamaro sy mitombo ianareo ao amin’ny tany, amin’ireo andro ireo, hoy ny TOMPO, dia tsy hilaza intsony izy ireo hoe, Ny—ny fiaran’ny faneken’ny TOMPO: ary tsy ho tonga ao antsaina akory izany: sady tsy hahatsiaro an’izany izy ireo; na izy ireo tsy—tsy ho manina an’izany; na hanao an’izany intsony.*

*Amin’izany andro izany izy ireo dia hiantso an’i Jerosalema hoe ny seza fiandrianan’ny TOMPO; (satria ho ao Izy, hitanareo), ary ny firenena rehetra dia hiangona (haleloia) ao anatiny, sy ny anaran’ny TOMPO, any Jerosalema: sady tsy hanaraka intsony ny fieritreretany manokana ny ratsy avy ao am-pony.*

<sup>129</sup> Izany dia rehefa ho voahosotra io Tanàna io. Izany dia rehefa ho voahosotra ilay Jerosalema Vaovao. Ary ny firenena rehetra an’ilay Tanàna... Ao amin’ny Apokalypsy ny toko faha-22, dia voalaza fa tsy hikatona ireo vavahady amin’ny alina, satria tsy hisy alina any. Ary ireo mpanjakán’ny tany rehetra dia hitondra ny hajany sy ny voninahiny ao amin’io Tanàna io. Ny rindriny dia ho jaspy sy vato sardisy, vato roa ambin’ny folo karazana; ary ireo vavahady roa ambin’ny folo dia ho perla mafy anankiray, iray isaky ny vavahady. Tsy hisy ilaina labozia ao anatin’ao. Tsy hisy hazavan’ny masoandro intsony, fa ny Zanak’ondry izay eo afovoan’ilay Tanàna no ho Fahazavana. Ary Izy no hitarika ny Olony ho ao amin’ny Fiainana mandrakizay. Hisy hazo roa hitsangana, anankiray isaky ny sisin’ny renirano, ary ho an’ny fanasitranana ny firenena izy ireo. Izany ilay Anankiray voahosotra izay ho avy, ilay Tanàna Masina midina avy amin’Andriamanitra any An-danitra, tonga eto an-tany.

<sup>130</sup> Ndao raisintsika ankehitriny izay hiseho mandritr’io fotoana io. Oh, tianareo ve izany? [Hoy ny fiangonana hoe, “Amena.”—Mpand.] Ndao isika hamadika ao amin’ny Isaia 65, iray minitra fotsiny. Tena tsara loatra ny mandingana an’izany.

Tsara loatra ny mamela an'izany. Mety ho mafana kely, saingy ndao isika hanohy handeha fotsiny.

<sup>131</sup> Isaia 65, henoy izay hiseho mandritr'iio fotoana io. Ary anontanio fotsiny ny tenanareo, ry sakaiza mpanota, raha ianareo—raha afaka hanaiky ho diso an'ity ianareo. Isaia 65, ndao isika hanomboka eo amin'ny andininy faha-17. Henoy tsara, ny olona rehetra, ankehitriny. Ity dia mandritry ny fotoan'ny Arivo taona, rehefa voahosotra ilay Masina indrindra.

*Fa, indro, izaho hahary lanitra vaovao sy... tany vaovao: ka tsy ho tsarovana intsony ny taloha, na ho tonga ao an-tsaina.*

*Fa aoka... ho faly sy hiravoravo... satria mahary an'izany aho: fa, indro, mahary an'i Jerosalema aho... mahary an'i Jerosalema aho, (izany dia ilay Jerosalema Vaovao), ho firavoravoana, ary ny olony ho fifaliana.*

Inona ilay hosotra? Ny fifalian'ny Tompo.

*...mahary an'i Jerosalema ho fifaliana, ary ny olony ho fifaliana. Ary hiravoravo amin'i Jerosalema aho,...*

Ilay Mpanjaka ao amin'ny Seza fiandrianana, eo amin'ny fiandrianam-panjaka an'ilay Seza fiandrianana, ilay Seza fiandrianana Mandrakizay, sy ireo olona Mandrakizay miaraka amin'ny fifaliana Mandrakizay ao amin'ny Tanàna Mandrakizay iray! Oh, oadray!

*Ary hiravoravo amin'i Jerosalema aho, sy hifaly amin'ny oloko: ary tsy ho re ao aminy intsony ny feon'ny fitomaniana, na ny feon'ny fitarainana.*

*Tsy ho ao intsony... ny zaza fohy andro, na lahy antitra izay tsy nahatapitra ny androny: satria mbola zaza ihany izay maty na dia efa zato taona aza; fa ny mpanota aza dia hahatratra zato taona vao hozonina.*

*Ary hanorina trano izy ireo, ka hitoetra ao amin'izy ireny; ... hanao tanim-boaloboka izy ireo, ka izy ireo no hihinana ny vokatra avy aminy.*

*Tsy hanorina izy ireo, ka ny hafa no hitoetra; (izany hoe, raha maty ianareo dia ny zanakareo no haka ny toeranareo) ... hanorina, ka ny anankiray hafa no hitoetra; tsy hamboly izy ireo, ka ny hafa no hihinana azy: fa ho tahaka ny andron'ny hazo no ho andron'ny oloko, ary ny voafidiko no haharitra ela hanaram-po amin'ny asan'ny tânany.*

*Tsy hisasatra foana izy ireo, na hitera-jaza ho tratry ny loza; fa izy ireo no taranak'izay notahian'ny TOMPO, ary ireo solofony ho ao aminy.*

*Ary izao no hiseho, ... alohan'ny iantsoan'izy ireo, dia hamaly aho; ... (Io hosotra lehibe io, ao ambadik'ilay*

Kerobima!) . . . izaho dia *hamaly*; *ary raha mbola miteny izy ireo, dia hihaino aho.*

*Ny amboadia sy ny zanak'ondry dia hiara-komana, . . . ny liona dia hihinana mololo tahaka ny ombilahy: ny vovoka no ho sakafon'ny menarana. Ary tsy handratra na hanimba izy ireo ao amin'ny tendrombohitro masina rehetra, hoy ny TOMPO. (Afaka ny ho diso an'izany ve ianareo? Tsia!)*

<sup>132</sup> Miverena avy hatrany indray eto, ary miresaka indray i Isaia, eo amin'ny toko faha-11, ny andininy faha-11 hatramin'ny faha-9. Henoy izay lazainy indray eto, rehefa nahazo fahitana iray izy, rehefa avy hitany ireo vehivavy, ny fomba hihetsehan'izy ireo amin'ny andro farany. Si- . . . Eny, Isaia 11, eo amin'ny 1.

*Ary hisy tsorakazo iray hitsimoka eo amin'ny fototr'i Jese, . . . Rantsana iray izay hitrebona avy eo amin'ny fakany: (Iza io? Kristy) . . . avy ao amin'ny fakany:*

*Ary ny fanahin'ny TOMPO hitoetra eo aminy, ny fanahin'ny fahendrena, ny fahazoana, ny fanahin'ny fanoloran-tsaina . . . faherezana, ny fanahin'ny fahalalana sy . . . ny fahatahorana ny TOMPO;*

*Ary hanao azy ho hanitra ankasitrahaha amin'ny fahatahorana ny TOMPO: ka tsy hitsara araka ny fahitan'ny masonry izy, na . . . araka ny fandrenesan'ny sofify:*

*Fa amin'ny fahamarinana no hitsarany ny malahelo, sy handevileveny ny helony ho an'ny mpandefitry ny tany: ary hamely ny tany amin'ny tsorakazon'ny vavany izy, ary amin'ny fofon'ain'ny molony no hamonoany ny ratsy fanahy.*

*Ny marina no ho fisikinany, ary ny fahatokiana no ho fehin-kibony.*

*Ary ny amboadia koa dia hiara-mitoetra amin'ny zanak'ondry, ary ny leoparda hiara-mandry amin'ny zanak'osy (izany hoe ny osy); ary ny zanak'omby sy ny liona tanora sy ny omby mifahy . . . na zanak'omby, na ny liona sy ny omby mifahy hiaraka; ary ny zaza kely no hitarika azy ireo.*

*. . . ny ombivavy sy ny bera hihinana; . . . ireo tanorany (ka) hiara-mandry: ary ny liona hihinana mololo tahaka ny omby.*

*Ary ny zaza minono dia hilalao eo amin'ny lavaky ny bibilava, ary ny zaza mitsaha-nono hametraka ny tanany ao amin'ny lavaky ny menarana.*

*Tsy handratra izy ireo na handrava ao amin'ny tendrombohitro masina rehetra: fa ny tany dia ho feno fahalalana . . . tahaka ny rano manarona ny ranomasina.*

Ham! Izany no ao amin'io Jerosalema Vaovao io. Ilay "vaovao" anankiray. *Rantsana*, eto, dia manondro, ny Rantsan'i Davida. "Izy no Rantsana sady Solofo."

<sup>133</sup> Ankehitriny, aorian'io, dia miseho ny Ampakarina. Aorian'ireo fitopolo herinandro, dia miseho ao amin'ny Apokalypsy ny toko faha-19 ny Ampakarina, ny andininy faha-1 sy ny faha-16. Tonga miaraka amin'ny Mpampakatra Azy Izy, ilay Mpanjaka mahery. Oh, oadray! Tsy fantatroy na ho tonga eo amin'io rehetra io isika na tsia. Maka azy fotsiny mba . . .

Eny, ndao isika hamaky ny ampanahity fotsiny, na ahoana na ahoana. Eto no ho tonga ny Ampakarina, aorian'ity. Hitanareo? Rehefa avy tafapetraka ny Arivo taona, amin'izay fotoana izay dia miverina miaraka amin'ny Ampakarina Kristy. Eny àry, 1 hatramin'ny 16, ary ny toko faha-19.

*Ary rehefa afaka ireo zavatra ireo . . .*

Aorian'io Fahoriambe io; aorian'ireo Fahoriana; aorian'ireo Tombokase; aorian'ireo Loza; aorian'ny fandroahana an'i Satana; aorian'ny fametrahana ny Arivo taona. Diniho!

*. . . rehefa afaka ireo zavatra ireo dia reko ny . . . feon'ny vahoaka marobe tany an-danitra, nanao hoe, Haleloia; Ny famonjena, sy ny voninahitra, . . . ny haja, . . . ny hery, dia an'ny Tompo Andriamanitsika:*

*Fa marina sy mahitsy ny fitsaranao: fa izy dia nitsara an'ilay janga lehibe, izay nandoto ny tany tamin'ny fijangajangany, ary efa namaly ny ràn'ny mpanompony teny an-tanany.*

*Ary izy indray . . . izy ireo . . . Ary hoy indray izy ireo hoe, Haleloia. Ary ny setrony miakatra mandrakizay sy mandrakizay.*

Izany dia ilay fiangonana mpijangajanga tranainy, "miakatra ny setrony."

*Ary ireo loholona efatra amby roapolo sy ireo zava-manan'aina efatra dia niankohoka ary nivavaka tamin'Andriamanitra izay nipetraka teo ambonin'ny seza fiandrianana, nanao hoe, Amena; Haleloia.*

*Ary ny feo dia nivoaka avy teo amin'ny seza fiandrianana, nanao hoe, Derao ny Andriamanitsika—Derao ny Andriamanitsika, ianareo mpanompony rehetra, sy ianareo izay matahotra azy, na ny kely na ny lehibe.*

*Dia reko fa ilay izy dia tahaka ny feon'ny vahoaka betsaka, . . .*

Henoy! Eto ianareo izao, ry Fiangonana. Rehefa avy niakatra Izy tao amin'ny toko faha-3, dia indro Izy fa tonga. Hitanareo? Ary ankehitriny ny andininy faha-6.

*Ary reko fa ilay izy dia tahaka ny feon'ny vahoaka betsaka, sy tahaka ny feon'ny rano be, ary tahaka ny feon'ny kotrokorana mafy, nanao hoe, Haleloia: fa ny Tompo Andriamanitra tsitoha no manjaka.*

Haleloia! Diniho! Tonga ny fampakaram-badin'ny Zanak'ondry ankehitriny. Indro Izy tonga.

*Aoka isika hifaly sy hiravoravo, ka hanome voninahitra azy: fa tonga ny fampakaram-badin'ny Zanak'ondry, ary ny vadiny dia nanao ny tenany ho vonona. (Indro Izy tonga, izy roa, Ampakarina sy Mpampakatra.)*

*Ary nasaina nitafy rongony madinika izy, madio sy fotsy: fa ny rongony madinika dia...ny fahamarinan'ireo olo-masina.*

*Ary izy nanao tamiko hoe, Soraty, Sambatra ireo izay nantsoina ho amin'ny sakafao harivan'ny mpanambady an'ny Zanak'ondry. Ary izy nanao tamiko hoe, Ireo dia...teny marin'Andriamanitra.*

*Ary lavo niankohoka teo amin'ny tongony aho mba hivavaka aminy. Fa hoy izy tamiko hoe, Tandremo ianao aza manao an'izao: Mpanompo namanao aho,...rahalahinao ary mihazona ny...rahalahinao ary mihazona ny filazana an'i Jesosy: mivavaha amin'Andriamanitra: fa ny filazana (an'i Kristy) an'i Jesosy no fanahin'ny faminaniana.*

*Ary nahita ny lanitra nisokatra aho, sy...soavaly fotsy iray;... (oh oadray!)...ary izy izay nipetraka teo amboniny...dia nantsoina hoe Mahatoky sy Marina, ary...fahamarinana no itsarany sy iadiany.*

*Ary ny masonry dia tahaka ny lelan'afy, ary...ny lohany nisy diadema maro;...*

Voasalotra ho inona Izy? "Mpanjakan'ny mpanjaka."

*...ary nanana anarana iray voasoratra izy, izay tsy nisy olona nahafantatra, afa-tsy...ny tenany.*

*Ary niakanjo akanjo fotsy voatsoboka tao anaty rà izy: ary ny anarany dia nantsoina hoe Ny Tenin'Andriamanitra.*

"Tamin'ny voalohany ny Teny, ary ny Teny dia Andriamanitra. Ary ny Teny dia tonga nofo ka nonina teo anivontsika." Iza Izany? Jesosy.

*...ary ny anarany dia nantsoina hoe Ny Tenin'Andriamanitra.*

*Ary ireo tafika izay tany an-danitra dia nanaraka azy teo ambonin'ny soavaly fotsy, nitafy rongony madinika, fotsy sy madio. (Voninahitra! Indro Izy tonga.)*

*Ary ary teo amin'ny vavany dia nisy sabatra maranitra iray, izay... ary izany no hamelezany ny firenenena: ary... hanapaka azy ireo amin'ny tehim-by iray: ary izy no manitsaka ny famiazan-divain'ny firehetan'ny fahatezeran'Andriamanitra Tsitoha.*

*Ary izy nanana anarana iray voasoratra teo amin'ny lambany sy ny feny hoe, MPANJAKAN'NY MPANJAKA, SY TOMPON'NY TOMPO.*

<sup>134</sup> Inona izany? Ny Olony dia nampisalotra Azy fotsiny ho Mpanjakan'ny mpanjaka, sy Tompon'ny tombo. Miverina ao amin'Ny Tempoliny masina, voahosotry ny Fanatrehan'Andriamanitra, mba ho velona sy hanjaka mandritry ny Arivo taona miaraka amin'Ny Fiangonany. Amena! Ny fisehoana, miaraka amin'ilay Mpanjaka mahery, mba haka ny Toerany eo Anilany, ilay Tempolim-panjaka vaovao voahosotra.

<sup>135</sup> Ankehitriny ny tanjona enin'ny Apokalypsy 6:1 hatramin'ny Apokalypsy 19:21 dia tanteraka.

<sup>136</sup> Henoy ankehitriny, eo am-pamaranana. Ireo Tombokase Fito, Trompetra Fito, Loza Fito, Fahoriana Telo, vehivavy ao anatin'ny masoandro, fandroahana ny devoly, na ilay dragona mena, dia tonga eo anelanelan'ireo fotoana ireo mandritr'ilay vanim-potoan'ny Fahorambe lehibe. Aza adino izany. Ireo zavatra rehetra ireo dia miseho mandritr'io fotoana io.

Fa io ilay tanjona enin'Ny Fihaviany. Mino an'izany ve ianareo? [Hoy ny fiangonana hoe, "Amena."—Mpand.] Fotoana be voninahitra iray toy ny inona no mipetraka ao anatin'ny fitehirizana ho an'ireo izay tia ny Tompo! Teneniko aminareo, ry sakaza, tsy afaka hanaiky ho diso an'izany isika. Aza diso an'izany, na inona na inona ataonareo. Aoka hahazo antoka!

<sup>137</sup> Ankehitriny, amin'ny Alahady heriny, raha sitraky ny Tompo, dia tiako ny hanolotra, raha hanampy ahy Izzy, haneho marina tokoa ny tsirairay avy amin'ireo andro fito ireo, taiza izy ireo no niseho, mitondra an'ity iray—zavatra iray ihany izay nentiko androany ity, ary mametraka an'ireo fotoana fito, herinandro fito, fitopolo herinandro marina ao amin'ny toeran'io toerana marina Jiosy io, ka haneho marina tokoa hoe aiza no iainantsika eto amin'ny farany, raha sitraky ny Tompo.

<sup>138</sup> Tianareo ve Izzy? [Hoy ny fiangonana hoe, "Amena."—Mpand.] Afaka hanaiky ho diso ny Lanitra ve ianareo? ["Tsia."] Ao amin'ny andro farany isika izao!

Hanao inona no Ahatongavany? Ny zavatra voalohany hiseho, alohan'ny hany ahatongavan'i Jesosy eto an-tany, dia ho inona ilay zavatra voalohany? Ilay Fiangonana dia ho (inona?) hakarina! Ho tonga eto an-tany ve Jesosy ka hitsangatsangana eny amin'ny fasana, sy handray tñanana an'i papa sy mama, hiresaka amintsika rehetra eto, ary hiakatra? Tsia!

Ho toy ny ahoana izany? Ny...Milaza an'izao aminareo izahay, amin'ny alàlan'ny—amin'ny alàlan'ny Tenin'ny Tompo hoe, “Fa isika izay velona ka mitoetra...” Tesaloniana Faharoa, toko faha-5, “Isika izay velona ka mitoetra hatramin’ny fihavian’ny Tompo, dia tsy hisakana na hialoha an’ireo izay nodimandry. Fa hotsofina ny trompetran’Andriamanitra; ny maty ao amin’i Kristy no hitsangana aloha: ary isika izay velona ka mitoetra dia hakarina miaraka amin’izy ireo mba hitsena ny Tompo eny amin’ny habakabaka.” Hakarina ao anatin’ny fotoana iray isika, ao anatin’ny indray mipi-maso. Mandritr’io fotoana io, io no mamarana ny Taonan’ny Fiagonana.

<sup>139</sup> Avy eo, eto an-tany eto dia manomboka mifanaraka amin’ireo Jiosy Andriamanitra. Hisy mpaminany roa. Ny toko faha-11, ho raisintsika izany. Mpaminany roa voahosotra, tahaka an’i Elia sy Mosesy, izay heveriko fa izay ilay izy. Ary hitondra ozona lehibe izy ireo, aorian’ny nahitan’izy ireo fa nivondrona izy ireo, ka nanapaka ny fifanekeny i Roma, io andriana io.

Eo afovoan’io faha-fitopolo herinandro io, dia hotapahiny ny fifanekeny amin’i Roma, na i Roma no hanapaka an’izany amin’ny Isirael, ary izany no hanao ny fahavetavetana hanomboka hiparitaka. Ary hisy safotra lehibe, rehefa ilay sisa nanamborana Jentilisa, ilay virijiny natory... Ilay dragona, Roma, namoaka rano avy tamin’ny vavany, mba hanao ady amin’ilay sisa nanamborana avy tamin’ny taranaky ny vehivavy izay mitandrina ny didin’Andriamanitra. Hanao an’izany i Roma.

<sup>140</sup> Ny fiombonamben’ny fiagonana no hampivondrona azy ireo miaraka, ka hitondra an’ireo Jiosy ho ao anatin’io fiombonambe io, ary hamerina azy ireo ao amin’ny fivavahan-tempolin’izy ireo manokana indray, amin’ny HOY NY TOMPO HOE avy ao amin’ny Baiboly, ary hanana ny fiagonany manokana izy ireo. [Mandondòna imbetsaka ny polipitra Rahalahy Branham—Mpand.]

<sup>141</sup> Inona izy ireo ankehitriny? Vao azoko izao ankehitriny izao mihitsy izany. Vaovao izany. Firenena iray izy ireo ankehitriny, nekena. Marina ve izany? [Hoy ny fiagonana hoe, “Amena.”—Mpand.] Saingy tsy mbola manana ny fivavahan-tempoliny izy ireo. Fa rehefa mametraka an’ilay fivavahan-tempoly izy ireo, dia ho lasa ilay Fiagonana. Hifanaraka amin’ireo Jiosy amin’ny maha-firenena iray Andriamanitra. Ary amin’izay fotoana izay rehefa entina ao anatin’io fiombonambe io izy ireo, dia hotapahin’i Roma izany eo afovoan’ilay faha-fitopolo taona, telo taona sy tapany, hotapahiny io fifanekena amin’izy ireo io, ary hiteraka fahavetavetana izay manao fandravàna hiparitaka hatramin’ny fahafonganana. Amin’izay fotoana izay dia ho entiny ny Protestanta, sy ny Jiosy, ka henjehiny izy ireo. Amin’io fotoana io, dia hitsangana ireto

mpaminany roa ireto ka hanozona ny tany, mba tsy hanorana izy amin'ny andron'ny faminanian'izy ireo. Ary hiantso afo avy any an-danitra izy ireo, sy ny zavatra hafa rehetra. Miandrasy fotsiny. Manana betsaka isika mipetraka eto, ao amin'ny fitehirizana ho antsika, mba hianarana. [Mandondòna intelo ny polipitra Rahalahy Branham.]

<sup>142</sup> Oh, Andriamanitra iray lehibe toy ny inona Izzy! Ray mpamindrafo iray toy ny inona! Ry sakaiza, mamele ahy hiteny an'ity, amin'ny maha-pasiteranareo. Tsy fantatrareo ireo tombontsoa izay iainanareo. Tsy fantatrareo. Misy lehilahy malaza maro, misy olo-masina maro, misy an'arivony ireo lehilahy masina izay maty tamin'ireo taona lasa, lehilahy feno ny Fanahy izay ho tia ny hahita an'ity andro izay iainanareo ity. Ndaio izaho sy ianareo haka tombony amin'izany.

<sup>143</sup> Inona indray moa no tokony ho jerentsika? Inona no azontsika hatao aorian'izao? Ho aiza isika? Inona no hitranga? Tsy maintsy mandeha any ho any isika. Tsy afaka mijanona eto isan'andro ianareo. Afaka manapaka ny bozakareo ianareo; amin'ny herinandro manaraka dia mila tapahina indray izy; hia, indroa, alohan'io fotoana io. Afaka mitaiza ny zanakareo ianareo. Mamahana azy ireo ny sakafotra harivany ianareo; amin'ny fotoan'ny sakafotra hariva dia noana indray izy ireo. Mamahana azy ireo amin'ny sakafotra hariva; noana indray izy ireo ny ampitsosy maraina. Mividy kiraro ho azy ireo ianareo; raha tahaka ny ahy izy ireo, eo amin'ny roa na telo volana dia mividy iray hafa ho azy ireo ianareo. Mividy akanjo ho azy ireo ianareo amin'ity volana ity; iray na roa volana dia mividy akanjo vaovao ho azy ireo ianareo. Hitanareo? Tsy misy na inona na inona mitohy. Tsy misy na inona na inona mari-toerana. Tsy misy na inona na inona afaka haharitra.

Aza mitsiriritra an'ireo harem-poana an'ity izao  
                  tontolo izao ity,  
Izay mihalò haingana mihitsy,  
Aoreno eo amin'ireo zavatra Mandrakizay ny  
                  fanantenanareo,  
Tsy ho levona mihitsy izy ireo!

Ny fotoana dia feno fiovaovana haingana,  
Tsy misy afaka maharitra tsy miova eto an-tany,  
Aoreno eo amin'ireo zavatra Mandrakizay ny  
                  fanantenanareo,  
Mihazòna eo an-tànan'Andriamanitra tsy miova!  
Mihazòna eo an-tànan'Andriamanitra tsy miova!  
Mihazòna eo an-tànan'Andriamanitra tsy miova!  
Aoreno eo amin'ireo zavatra Mandrakizay ny  
                  fanantenanareo,  
Mihazòna eo an-tànan'Andriamanitra tsy miova!

Henoy!

Rehefa tapitra ny diantsika, (Izy no hamela  
antsika hahafantatra rehefa tapitra izany.)

Raha efa nahatoky tamin'Andriamanitra isika,  
Ny tranontsika tsara tarehy sy mamiratra any  
amin'ny Voninahittra, (io Tanàna voahosotra io)  
No ho hitan'ny fanahintsika nampakarina!

Mihazòna eo an-tànan'Andriamanitra tsy miov'a!

Mihazòna eo an-tànan'Andriamanitra tsy miov'a!

Aoreno eo amin'ireo zavatra Mandrakizay ny  
fanantenanareo,

Mihazòna eo an-tànan'Andriamanitra tsy miov'a!

Aza mitsiriritra an'ireo harem-poana an'ity izao  
tontolo izao ity,

Izay mihalò haingana mihitsy,

Aoreno fotsiny eo amin'ireo zavatra Mandrakizay  
ny fanantenanareo,

Tsy ho levona mihitsy izy ireo!

Mihazòna eo an-tànan'Andriamanitra tsy miov'a!

Mihazòna eo an-tànan'Andriamanitra tsy miov'a!

Aoreno eo amin'ireo zavatra Mandrakizay ny  
fanantenanareo,

Mihazòna eo an-tànan'Andriamanitra tsy miov'a!

Raha manondrika ny lohantsika isika. Raha mbola tsy  
nandray Ny Tànany mihitsy ianareo, dia tsy ho avy fotsiny ve  
ianareo hanao an'izany ankehitriny.

Mihazòna eo an-tànan'Andriamanitra tsy miov'a!

Aoreno eo amin'ireo zavatra Mandrakizay ny  
fanantenanareo,

Mihazòna eo an-tànan'Andriamanitra tsy miov'a!

<sup>144</sup> Ry zazavavy kely, tovovavy kely iray tsara tarehy ianao  
ankehitriny. Tsara tarehy ny volo kelinao, mena ny takolakao.  
Saingy, fantatrazo, hisy ampitso fotsiny, hany ka, halazo izy ireo.  
Ahoana no ahafantarantsika fa amin'ny herinandro manaraka  
ireo bibikely dia tsy hihinana, ao anatin'ny tany, an'ireo takolaka  
tsara tarehy, kely, mena ireo?

<sup>145</sup> Ry rahalahy tanora, matanjaka ianao, goavana, hozatra  
matanjaka; manana fanantenana lehibe ianao. Fa afaka kelikely,  
rahampitso fotsiny, io volo tsara tarehy, miolanolana io dia  
hihintsana, ary izay sisa anananao dia hivadika fotsy. Ireo soroka  
goavana, mahitsy dia hanjoko, ka ireo biby no handeha hihinana  
eo amin'ireo sandry sy nofo. Hitondra anao lavitra izy ireo, ao  
anatin'ny vovoka.

Noho izany, dia aoreno eo amin'ireo zavatra  
Mandrakizay ny fanantenanareo,

Tsy ho levona mihitsy izy ireo!

Mihazòna eo an-tànan'Andriamanitra tsy miov'a!

Mihazòna eo amin'ny an'Andriamanitra . . .

Tiako ianareo hanangan-tànanana ka handray ny Tànany ankehitriny.

Aoreno eo amin'ireo zavatra Mandrakizay ny fanantenanareo,

Mihazònà eo an-tànan'Andriamanitra tsy miova!

Amin'izay fotoana izay rehefa mifarana ity dia ity,  
(hifarana izy, indray andro any)

Raha efa nahatoky tamin'Andriamanitra ianareo,  
Ny tranonareo tsara tarehy sy mamiratra any amin'ny Voninahitra,

No ho hitan'ny fanahinareo nampakarina!

Nahoana ianareo no tsy mihazona eo amin'ny tònànan'Andriamanitra tsy miova!

Mihazònà eo an-tànan'Andriamanitra tsy miova!

Aoreno eo amin'ireo zavatra Mandrakizay ny fanantenanareo,

Mihazònà eo an-tànan'Andriamanitra tsy miova!

<sup>146</sup> Maro ireo fahitana izay efa hitako, manakaiky ny iraika amby telopolo taona izao no tetra ambadiky ny birao. Efa nahita fahitana nampalahelo aho; efa nahita fahitana be voninahitra aho. Ny fahitana ratsy indrindra izay hany hitako teo amin'ny fiainako... Matetika aho no nahita ankizy maty noana teny an-dàlambe; efa nahita reny nangataka mofo aho. Ny fahitana nampalahelo indrindra izay hany hitako, dia ny mahita olona iray, olombelona iray, izay tokony ho zanak'Andriamanitra iray, eo am-pahafatesana tsy mahafantatra an'Andriamanitra.

<sup>147</sup> Tsaroako ny vehivavy iray nitsangana teo am-baravarana indray alina, an'ity fiangonana ity, naneso ahy. Ary hoy izy hoe, “Tsy havelako banana ny karazam-pivavahana izay ananany io ny ombivaviko!” Tsy nihoatra ny adiny iray taty aoriana, dia nantsoina nankany amin'ny hopitaly aho. Véhivavy tsara tarehy, teo amin'ny roa amby roapolo taona teo, niantsoantso izy hoe, “Alaivo eto ilay mpitory teny!” Katolika izy, ara-pinoana.

Rehefa tonga aho, dia hoy ilay anabavy antitra hoe, “Tara loatra ianao, Ranadahy Branham. Teo amin'ny dimy minitra teo izay no nahafatesany.”

Hoy aho hoe, “Afaka mijery azy ve aho?”

Hoy izy, “Niantsoantso anao izy, teo amin'ireo teniny farany hoe, ‘Alaivo ilay mpitory teny, Ranadahy Branham!’”

Teo ny vadiny, nihorakoraka hoe, “Manaova vavaka iray ho azy! Manaova vavaka iray!”

Hoy aho hoe, “Tara loatra ilay izy ankehitriny.”

<sup>148</sup> Nosintoniko nidina ilay firakotra. Nanana maso mavo goavana be izy. Véhivavy tsara tarehy; panda kely nanerana ny tavany; volo mangirana; tena mahasarika. Nijaly mafy mihitsy izy hany ka nivoaka avy teo amin'ny tavany tahaka ny mony

ireo panda. Ireo masonry nibontsina nivoaka avy tao amin'ireo tranony mihitsy, tahaka an'izao. Ary, mazava ho azy, ireo tsinainy sy ireo voany dia niasa, izay ao amin'ny—ao amin'ny... Ny olona rehetra dia manao an'izany rehefa eo am-pahafatesana izy ireo, ny ankamaroany. Ary teo izy, nandry tao amin'izany toerana izany, ny vavany nisokatra. Ary ireo volomasonry teto, ny antsasany nandrakotra an'ilay ampahany volontanin'ny masonry. Tsy ho adinoko mihitsy izany. Tonga tato an-tsaiko io hira io.

Aza mitsiriritra an'ireo harem-poana an'ity izao  
tonolo izao ity; hatsaran-tarehy, firentirenty.

<sup>149</sup> Nitsangana teo anilan'ny lehilahy iray mihitsy aho teto tany Port Fulton, teo am-pahafatesana. Niantso ahy izy ireo ho eo an-tongom-pandriany. Ary nivavaka niaraka taminy aho teto amin'ny alitara indray hariva. Nametraka ny sandrinhy nanodidina ny vehivavy iray izy. Hoy aho hoe, "Esory tsy hanodidina an'io ramatoa io ny sandrinao."

Hoy izy hoe, "Mitarika azy eo amin'Andriamanitra aho."

<sup>150</sup> Hoy aho hoe, "Tsy ny sandrinao no manodidina azy." Tsy mino ny karazan-javatra tahaka an'izany aho. Lasa tezitra tamiko izy. Nigadogadona izy nivoaka ny varavarana.

Nankany aminy aho, taty aoriana kely, rehefa teo am-pahafatesana izy. Nijery ahy nanatrika izy, nanao hoe, "Aza mivavaka ho ahy, Rahalahy Bill. Very aho. Vita ny amiko." Hoy izy, "Izay rehetra hany azoko, dia lasa."

<sup>151</sup> Nitsangana teto mihitsy aho teo amin'ny zoron-dàlana, ampahany kely miala eto, indray andro, nankeo amin'ny lehilahy iray izay niantso ahy ho eo an-tongom-pandriany rehefa teo am-pahafatesana izy. Hoy izy hoe, "Izaho isan'andro dia nila an'izao-sy-izao, ary izao." Hoy izy hoe, "Saingy tsy nanompo ny Tompo mihitsy aho. Matetika aho no nijanona tsy nandeha teny amin'ny alitara." Hoy izy hoe, "Rahalahy Branham, mivavaha mba hamelan'Andriamanitra ny zanako vavy kely hanonitra an'ireo zavatra izay nataoko. Angamba afaka manao zavatra ho an'ny Tompo izy."

<sup>152</sup> Hoy aho hoe, "Tsy azo atao izany, rahalahy. Ireo izay tokony ho vitanao dia very." Ham!

<sup>153</sup> Nitsangana teo akaikin'ny lehilahy iray aho, nahita azy niady tamin'ireo devoly nandritry ny efatra amby roapolo ora. Nilaza izy fa nitsangana teo an-tongom-pandriany ireo devoly niaraka amin'ny rojo nirakotra nanodidina ny tendan'izy ireo. Hoy izy, "Aza avela hahazo ahy izy ireo!" Niantsoantso; nihazona azy teo amin'ilay fandriana. Hoy izy, "Io mitsangana io izy. Tsy afaka mahita azy ve ianao? Tonga haka ahy izy." Nanosika an'Andriamanitra, ela loatra izy. Nanana trano fitehirizana goavana feno mololo izy, feno vary, soavalys mpihazakazaka tsara. Herintaona talohan'io, dia nanozona an'Andriamanitra teo amin'ny Tavany izy; namelaka ny vadiny

satria nandeha teto amin'ny tabernakla. Fantatrareo ve izay nitranga? Namely ny trano fitehirizany ny varatra, ary namono an'ireo soavaliny, nandoro ny mololony. Ary maty tamin'ny karazana famelezana iray ilay lehilahy, niady tamin'ireo devoly hiala aminy.

<sup>154</sup> Fa sakaizako antitra iray (vominahitra!) nitsangana tany, tonga teo amin'ny faran'ny lâlana. Hoy aho hoe, "Handeha ve ianao, dada?"

Hoy izy, "Izay no izy, Billy."

Hoy aho hoe, "Ahoana ilay izy?"

<sup>155</sup> Hoy izy hoe, "Tsara ny rehetra." Hoy izy, "Ento eto anilan'ny fandriana ireo zanako." Nametraka an'ireo tânany malemy antitra teo amin'ny tsirairay avy tamin'ireo zanany izy ka nitso-drano azy ireo. Niteny tamin'ireo zanany lahy roa, nanao hoe, "Atsangano ny tânako, atsangano izy ireo, tahaka ny nataon'i Josoa sy Kaleba." Nanontany an'izay ho lazainy. Hoy izy hoe:

Andro sambatra, andro sambatra,  
Hatramin'ny nanasan'i Jesosy ny fahotako!  
Nampianatra ahy Izy hoe ahoana no fiambina sy  
fivavaka,  
Ary miaina faly isan'andro.

Tsy maintsy ho tonga eo amin'ny sasany amin'ireo zavatra ireo isika, ry sakaiza! Tsy misy anankiray tsy maniry hihinana sakafo tsara, hamily fiara tsara, hanana ny tsara indrindra izay azontsika ananana. Tsy manome tsiny azy aho. Mety tsara daholo izany. Tian'Andriamanitra banana an'izany ianareo.

Saingy, aza mitsiriritra an'ireo harem-poana  
an'ity izao tontolo izao ity,  
Izay mihalò haingana mihitsy,  
Aoreno eo amin'ireo zavatra Mandrakizay ny  
fanantenanareo,  
Tsy ho levona mihitsy izy ireo!

Ndao isika hanangana ny tânantsika ankehitriny raha mbola mihira.

Mihazôna eo an-tânán'Andriamanitra tsy miov'a!  
Mihazôna eo an-tânán'Andriamanitra tsy miov'a!  
Aoreno eo amin'ireo zavatra Mandrakizay ny  
fanantenanareo,  
Mihazôna eo an-tânán'Andriamanitra tsy miov'a!

<sup>156</sup> Raha mbola mitsangana isika, dia ndao isika hitodika ka handray tânana olona iray ankehitriny. Hanohy isika, ny fotoana, vetivety fotsiny. Fa tiako ianareo hitodika raha mbola mihira andininny iray hafa an'izany hira izany isika.

Mihazôna eo an-tânán'Andriamanitra tsy miov'a!

Ataovy izany, ry ray! Ataovy izany, ry dada! Ho an'Andriamanitra! Ataovy izany, ry adolantsento! Ataovy izany, ry rahalahy! Ataovy izany, ry rahalahy!

Aoreno eo amin'ireo zavatra Mandrakizay ny fanantenanareo,  
Mihazòna eo an-tànan'Andriamanitra tsy miova!

<sup>157</sup> Tsy faly nohon'ny Aminy ve ianareo? Manaova “Amena!” [Hoy ny fiangonana hoe, “Amena!”—Mpand.] Izay rehetra tia Azy, manaova hoe, “Deraina ny Tompo.” [“Deraina ny Tompo!”] Izay rehetra mino fa handeha any amin’io Tanàna efa-joro io ianareo, dia atsangano ny tènanareo. (Hazony izany, iray minitra fotsiny, miaraka amin’ny hiranareo.)

An-dàlana mankany amin’io Tanàna tsara tarehy  
io aho, (Ahoana moa izany ankehitriny?)  
Izay nomanin’ny Tompo ho an’ny Azy manokana;  
Izay misy ny navotana rehetra avy tamin’ny taona  
rehetra  
Mihira voninahitra manodidina ny Seza  
fiandrianana Fotsy.  
Matetika aho no lasa manina ny Lanitra,  
Sy ny voninahitra izay ho banjiniko any.  
Ho fifaliana iray toy ny inona izany,  
Rehefa mahita ny Mpamonjiko aho  
Ao amin’io Tanàna volamena tsara tarehy io.

Tsy tianareo ve izany? [Hoy ny fiangonana hoe, “Amena.”—Mpand.]

An-dàlana mankany amin’io Tanàna tsara tarehy  
io aho,  
Izay nomanin’ny Tompoko ho an’ny Azy  
manokana;  
Izay misy ny navotana rehetra avy tamin’ny taona  
rehetra  
Hihira voninahitra manodidina ny Seza  
fiandrianana Fotsy.  
Oh, matetika aho no lasa manina ny Lanitra,  
Sy ireo fifaliana izay ho banjiniko any.  
Ho fifaliana iray toy ny inona izany,  
Rehefa mahita ny Mpamonjiko aho  
Ao amin’io Tanàna volamena tsara tarehy io.

Tianareo ve Izy? [Hoy ny fiangonana hoe, “Amena.”—Mpand.]

Noho izany dia raiso eo aminao ny Anaran’i Jesosy,  
Ry zanaky ny alahelo sy fahoriania;  
Hanome fifaliana sy fiononana ho anao izany,  
Raiso izany na aiza na aiza alehanao.

Anarana sarobidy (Anarana sarobidy), Oh tena mamy! (Oh tena mamy!)  
 Fanantenan'ny tany sy fifalian'ny Lanitra;  
 Anarana sarobidy (Anarana sarobidy), Oh tena mamy!  
 Fanantenan'ny tany sy fifalian'ny Lanitra.

Ankehitriny, aza adino amin'ny Alahady heriny maraina, amin'ny sivy sy sasany. Ary avy eo isika dia hiezaka, raha sitrak ny Tompo, hahavita ara-potoana, mba hanaovana vavaka ho an'ny marary, amin'ny Alahady heriny maraina amin'ny sivy sy sasany.

Amin'ny Anaran'i Jesosy no iondrehana,  
 Miankohoka eo an-Tongony,  
 Hosalorantsika Mpanjakan'ny mpanjaka any Andanitra Izzy,  
 Rehefa mifarana ny diantsika.

Anarana sarobidy (Anarana sarobidy), Oh tena mamy! (Oh tena mamy!)  
 Fanantenan'ny tany sy fifalian'ny Lanitra;  
 Anarana sarobidy (Anarana sarobidy), Oh tena mamy!  
 Fanantenan'ny tany sy fifalian'ny Lanitra.

Henoy fotsiny ity andininy ity:

Amin'ny Anaran'i Jesosy no iondrehana,  
 Ho ampinga amin'ny fandrika rehetra;  
 Rehefa miangona manodidina anao ireo fakampanahy,  
 Dia bitsiho am-bavaka fotsiny io Anarana masina io. (Izany no hahavita an'ilay izy!)  
 Anarana sarobidy (Anarana sarobidy), Oh tena mamy! (Oh tena mamy!)  
 Fanantenan'ny tany sy fifalian'ny Lanitra;  
 Anarana sarobidy (Anarana sarobidy), Oh tena mamy!  
 Fanantenan'ny tany sy fifalian'ny Lanitra.

Ankehitriny dia averiko amin'ny pasitera ny fotoana, Rahalahy Neville, mba hanao ny teny famaranany na inona na inona mety ho lazainy.



*IREO TANJONA ENIN'NY FAMANGIAN'I  
GABRIELA AN'I DANIELA MAG61-0730E*  
(The Sixfold Purpose Of Gabriel's Visit To Daniel)  
ANDIAN'IREO FITOPOLO HERINANDRON'I DANIELA

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 30 Jolay, 1961, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2019 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)